

Júu[^] e toq̃ fi' ni~ ji` quiá' Paā e catíng̃ dseà seeng̃ fi' ROMA

1 Jneā Paā líin'n jaang` dseà
i jmóo' lajiī~ e iing̃ Dseà
Jmáang̃. Jo Fidiée'bing' i cató'`
jneá e laco' ca'uúin~n jaang` dseà
apóo' i óo' ta~ quiá'r jogui caguín'
jneá e laco' niguiaa~ júu' quiá'
Dseà Jmáang̃ quiá' jial laang` dseà
jee~ jalé' dsee~ quiá'r.

²Jo nicajméeb' Fidiée' júu' quiá'
jalé' e júu' quiá' Dseà Jmáang̃ na
lamí jéeng'gui la'eáang' cōo'~ jalé'
ji' e cajme' jaléng' dseà i nicafé'
cuaiñ~ quiá'r malii~gui eáang'. ³⁻⁴Jo
e júu' jo fé' cuaiñ~ quiá' Fíi'naa'
Dseà Jmáang̃ i líing' Jōo' Fidiée'.
Jo dseà do cajar~ fi' jmigüi' la e
líiin' jaang` dseà jmigüi', dsuco'
líiin' dseà siju' dseata~ Daví'. Dsu'
cajmijnéeng' Fidiée' e la'eáang'
cōo'~ Jmiguí' quiá'r 'ñia'bre e
Fíi'naa' Dseà Jmáam'bing' líing'
i Jōor' camíng'~ i dsíng'~ 'gōng'
do. Jo cajmijnéein' lajo ie~ lamí
cajmijiī~tur i Jōor' do jee~ jaléng'
'líi'.

⁵Jo la'eáang' cōo' Dseà Jmáang̃,
jogui uii' e eáang' guiúng̃ Fidiée',
jōba' cacuø'r' jneā e ta~ laniing̃ la
e ca'uúin~n jaang` dseà apóo' quiá'r.
Jo líin'n lajo e laco' niguiaa~ júu'
quiá'r jee~ jaléng' dseà jmigüi',

jo lajōba' nijá' líing` dseà jogui
nijmér~ núu'r' e júu' quiá' dseà
do. ⁶Jo jee~ jaléng' i dseà í quíim'
'nú' cajo, dseà i cató' Fidiée' e
laco' ca'uúing~na' dseà quiá'r. ⁷Jo
e ji' la catíng̃ 'nú', dseà rú'naa'
dseà quiá' Dseà Jmáang̃ i seeng̃
fi' na fi' Roma. Jo eáam' 'neáang'
Fidiée' 'nú' jogui nicaguín' 'nú' e
ni'uúing~na' dseáng' dseà quiá'r.
Jo máii' i Tiquí'ii' Fidiée' cōo'~gui
Fíi'naa' Dseà Jmáang̃ e ni'ír' güea'
quiá'r jee~ jaléng' 'nú', jogui e
nicuø'r' 'nú' e seeng'na' juguiá' júu'
røø'.

Lajee' e iing̃ Paā dsi'eer~ dseà quiá'
Dseà Jmáang̃ i seeng̃ fi' Roma

⁸Jo la'uii' júu' quié' e fíi'guí
'nú', dseà rú'naa' dseà quiá'
Dseà Jmáang̃, quiá' e cuøøø
gui'máang' Fíi' i Fidiée' uii' quií'na'
lajíing̃na' la'eáang' cōo'~ Fíi'naa'
Dseà Jmáang̃, dsuco' fi' la fi' na fé'
dseà jial e já' líing̃na' júu' quiá'
Dseà Jmáang̃ e car' ngocáng' óo'na'.
⁹Jo guiáb~ níni' Fidiée' e lacoø' ya'
mí' fón'nre, máii' ire uii' quií'na'.
Jo jneā jmóo'o dseáng' e ngocáng'
dsii' lajiī~ e iing̃ dseà do e guiaa~
e júu' quiá' i Jōor' Dseà Jmáang̃

do. ¹⁰Jogui míi~bí yejí^ Fidiéé~ cajo e song e íaang~ dsír^ e nicuólr~ jnea~ fí, joba' ninii~i e ni'ee~e 'nú' jóng.

¹¹Jø eámam' iin~n e nijmee~e lajo e laco' cuóøng~ e nijmicóo'~o 'nú' còo'~ jalé' e guiú^ e ngíng~naa' e cuó' Fidiéé~ jneaa~aa' la'eáang' còo'~ Jmiguí' quiá'r~. Jø la'eáang' còo'~ jalé' e joba' e nisíng'~gui' teá' fí' guiú^ còo'~ Dsea' Jmáang~; ¹²Jø laco' cuóøng~ fá^a e nijmicóo'~gui' rú'naa' la'eáang' e já' lí'naa' júu^ quiá'~ Dsea' Jmáang~.

¹³Jø eámam' iin~n e ní'na', dsea' rú'naa' dsea' quiá'~ Dsea' Jmáang~, e jmiguiub' ya' nica'f dsii~ e ninii~i fí' na e ni'ee~e 'nú', dsu' cartí' lana jmiguiub' e nicajníng' quié^e, joba' ja' mí' cal~ fa' e nicagá~a fí' na. Jø uíng~ quiá'~ e ninii~i fí' na e laco' nijmicóo'~o jaléng' i dsea' na e laco' ni'uíiñ~ dsea' quiá'~ Dsea' Jmáang~ lí' laco' jí'~ e nicalí' fí' góo' dsea' lí' jíé'. ¹⁴Cø' 'né' e niguiaa~baa júu^ quiá'~ Dsea' Jmáang~ jee~ jaléng' dsea' i neáang' fí' góo' dsea' còo'~gui' jaléng' dsea' i neáang' fí' jee~ mó' lí' huí'~, jogui jee~ jaléng' dsea' i tíng' jí' còo'~gui' jee~ dsea' i ja' líng' lajo; ¹⁵joba' dsíng' iin~n e ninii~i fí' na fí' Roma e laco' niguiaa~ júu^ quiá'~ Dsea' Jmáang~ jee~ jaléng' 'nú', dsea' neáang'na' fí' na.

Jial 'gøng' júu^ quiá'~ Dsea' Jmáang~

¹⁶Jø fí' guí' 'nú', dsea' rú'naa' dsea' quiá'~ Dsea' Jmáang~, jnea~ dseáng'~ eámam' nita~ dsii~ còo'~ júu^ quiá'~ Dsea' Jmáang~, cø' la'eáang' còo'~ e júu^ 'gøng' do ni'quí'~ Fidiéé~ jmii~ e nileáiñ~ jaléng' dsea' jee~ jalé' dsee~ quiáiñ'. Jø la'uii~ catíng~ lajo jaléng' dsea' Israel,

jogui lajõbi cajo jaléng' dsea' i ja' líng' lajo. ¹⁷Jø e júu^ quiá'~ Dsea' Jmáang~ na e' jneaa~aa' e nicalíng' Fidiéé~ jneaa~aa' e lí'naa' dsea' i ja' røøng~ dsee~ fí' quinir' la'eáang' e já' lí'naa' júu^ quiá'r~, jø jø' ee' 'né' jmó'guí' e jíé'gui, cø' lalab fé' fí' ni~ jí' quiá'r': "Jø la'eáang' e já' líng' jaang' dsea' júu^ quiá'~ Fidiéé~, joba' Fidiéé~ íñ' i dsea' í' e líiñ' jaang' dsea' i ja' røøng~ dsee~ fí' quinir'."

Jalém' dsea' jmigüf' oor' dsee~

¹⁸Jø nineé~ jøø^baa' e Fidiéé~ i guíng~ fí' níff, íb~ i guíng~ quiá'~ jalé' e ja' dseeng' còo'~gui' jalé' e 'lí' e jmóo' dsea', dsuco' còo'~ jalé' e 'lí' e jmóo' jaléng' i dsea' í', jníñ' quiá'~ jaléng' dsea' rúíñ' i íng~ nilicuí' júu^ sea' contøøng~ quiá'~ Fidiéé~. ¹⁹Cø' lajalé' e cuóøng~ niliñ' dsea' quiá'~ Fidiéé~, guiúb~ niñi' jaléng' i dsea' í', cø' 'niab' Fidiéé~ nicajméer' e nicaliñi' jaléng' dsea' jmigüf' lajalé' e jø. ²⁰Cø' lají'~ latí' mí' canaang' uiiñ~ jmigüf, lají'~ e líng' Fidiéé~ e ja' quí'~ dsea' jmii~ niliñir', fa' la e 'gøiñ' e sea' lata~ jogui e dseáng' jí' í' bre líiñ' Fidiéé~, jø lajalé' e jø cuóøng~ niliñi' dsea' la'eáang' còo'~ jalé' e nicajméer' fí' la'úng~ fí' jmigüf'. Jøba' jaléng' i dsea' í' ja' cuóøng' fa' e nífé'r' e ja' caliñir' e seeng' Fidiéé~. ²¹Jø nañi' fa' niñi'bre e seeng' Fidiéé~, dsu' ja' cajmi'gór' dsea' do laco' catíng~, o'gui cacuó'r' dsea' do gui'máang' còo'~ jalé' e guiú^ e nicajméé' dsea' do. Dsu' o' lajo, cø' lí' lí' í' dsír' jmang' júu^ e ja' uíng~ seab~, jogui nicajñib~ moguir' fa' e ni'f' dsír' jalé' e

guiá. ²²Co' fé'r' yaaiñ e líiñ' dseà ì ttiing' éang', dsu' o' já' lajo, co' íb' líiñ'. ²³Dsuco' jo' jmiféiñ' Fidiéé' ì 'gøng' ì seeng' car' ngongñi' jmiñ, jo' nicanaaiñ' cajmeáaiñ' diéé' quiá'r' cóo' guóor' ì liing' la líing' dseà' jmigüí' osi ì liing' la líing' tá' é, osi ì liing' la líing' jó' quié' tíi' é, osi ì liing' la líing' jaléng' jó' ì dsijñúung' uó' é; jo' lajaléng' íb' ì cajmiféiñ' e lafa' e nijmiféiñ' Fidiéé'.

²⁴Jo' uíi' e jmóo' ì dseà' do jalé' e 'lí' do, joba' Fidiéé' nicatiúum-bre jaléng' í e laco' nijméiñ' do jalé' e 'lí' jo' e lí' dsíir', co' eám' ga' beáng' dsee' yaaiñ' lajee' la'ó' yaaiñ'. ²⁵Dsu' lafa' e nijmitir' lajíi' e júu' quiá' Fidiéé' e sea' contøøng', jo' líco' jmitir' lajíi' júu' e o' jáb', jogui' jmí'gór' jogui' jmiféiñ' lajíi' e sea' fí' jmigüí' e cajmíe' Fidiéé' e lafa' e nijmiféiñ' 'ñaia' Fidiéé' ì cajmíe' jalé' e jo. Co' jíi' dseà' íb' ì catíing' ì nijmiféng' dseà' car' ngongñi' jmiñ. Jo' lajob' 'né' lí'.

²⁶Jo' uíi' e jmóo' jaléng' ì dseà' do lajo, joba' Fidiéé' nicatiúum-breíñ' do e laco' nijméiñ' jalé' e 'lí' e lí' dsíiñ' do e qui' ttiñ' jmóor'. Dsuco' la quié' cartí' jaléng' dseamí' nicatú-bre lajíi' e catíing' jmóor' cóo' jaléng' dseañu', jo' nicanaaiñ' jmóor' lajo' lajee' la'ó' dseamíiñ'. ²⁷Jogui' lajobi' cajo' cajmíe' jaléng' dseañu', nicatú-bre lajíi' e catíing' jmóor' cóo' jaléng' dseamí, jo' nicanaaiñ' e jo' téeiñ' yaaiñ, co' nijmóor' lajíi' e ja' catíing' nijmér' lajee' la'ó' dseañuñ'. Jo' la'ó' dseañum' bre' nijmóor' lajíi' e 'lí' rúin', joba' fí' ngúu' táam' jaléng' ì dseà' la'í' íñ'

iihuí' e jáa' quiá' Fidiéé' uíi' e jmóor' jalé' e 'lí' lajo.

²⁸Jo' co' jo' iing'gui' dseà' fa' e nijmicuñiñ' Fidiéé', joba' Fidiéé' nicatiúum-bre jaléng' í, jo' jo' jñiñ' quiáñ' do e ní'f' dsíiñ' jalé' e 'lí' e já' dsíiñ', jo' cóo' jalé' e í' dsíiñ' do canaang' jmóor' jalé' e ja' dseeng' e ja' catíing' nijmér'. ²⁹Jo' jaléng' ì dseà' í' jmóor' lají' íing' e ja' dseeng' e sea' fí' jmigüí', jogui' jmóor' lají' íing' e lí' dsíi' ngúu' táaiñ, jogui' eám' jmáin' ga' jaléng' dseà' rúin', jogui' eám' dsihuñiñ' quiá' jaléng' dseà' rúin', jogui' jmóor' ta' jngang' jaléng' dseà' rúin', jogui' jmóor' ta' ttiing', jogui' jmigøøiñ' dseà' rúin', jogui' contøøm' í' dsíir' e ga' quiá' dseà' rúin', jogui' jmóor' ta' quié' adsee', ³⁰jogui' fé'r' júu' ga' quiá' jaléng' dseà' rúin', jogui' 'ní' níim-bre Fidiéé', jogui' ja' í' líiñ' cóo' jalé' e ga' e jmóor', jogui' fé'r' júu' róo' uii' quiá'r' yaaiñ, jogui' eám' jmíjlong' yaaiñ' jee' jaléng' dseà' rúin', jogui' 'nór' jial' nijmi'uíiñ' jalé' e ja' dseeng', jogui' ja' jmóor' núu'r' lajíi' ta' quié' dseà' cóøng' quiá'r', ³¹jogui' ja' iñ' e ningáin' lí' doñi' ee' e guiá', o'gui' jmitir' jalé' júu' e fé'r', jogui' ja' 'neáaiñ' jaléng' dseà' rúin', jogui' ja' ttiñ' íiñ' dsee' quiá' jaléng' dseà' rúin' o'gui' fí' líiñ' jíi' jaang' dseà' rúin' cajo. ³²Jo' jaléng' ì dseà' la'í' niñi'bre' guiá' e Fidiéé' nicacuør' júu' quiá'r' e doñi' íi' dseà' ì jmóo' lajo, dseáng' 'né' e nijúum-bre. Dsu' ja' ee' líi' e niñir' lajo, dsu' mí' 'noo'bi' jmóor' jalé' e ja' dseeng' lajo, jo' jí'gui' cartí' íaang' dsíi'bre' mí' jmóo' jaléng' dseà' jíéng' e ga' lajo.

Fidiéé'bing' i quidsi' í' laco' catfing-
quiá' lajaléng' dsea' jmgüí'

2 Jöba' fíi' guíí' 'nú', dsea' rú'naa', ií' 'nú' cuø'na' dsee- dsea' rúng'na', ja' e líí' ií' lííng'na', dsu' mi' jmoø'na' lajo, yaam'ba' cuø'na' dsee- yaang'na' jóng, dsuco' 'nú' jmoø'na' ga' lí' laco' la jmóo' i dsea' íb' cajo. ²Jö nine'baa' røø' e laco' catfim- quidsi' Fidiéé' í' quiá' lajaléng' dsea' i jmóo' e ga' lajo. ³Dsu' 'nú', dsea' cuø'na' dsee- jaléng' dsea' rúng'na', ja' güí'f' óo'na' fa' e ja' niquidsi' Fidiéé' í' quií'na' laco' catfing-, co' 'nú', røøb' jmoø'na' cajo laco' jmóo' jaléng' i dsea' i jmóo' e ga' lajo. ⁴Jö eáam' guíúng- Fidiéé' cóo' 'nú', jogui eáam' féng' dsír' cajo. Jö uíi' e eáam' guíúin- do, joba' nisjjeiin' 'nú' cartí' niquí' jíing- yaang'na' fí' quinir'. Dsu' 'nú', ja' iing'na' jmée'na' cuente jial tíí' guíúin- cóo' 'nú'. ⁵Jö co' jaléng' 'nú' eáam' ue' óo'na' jogui ja' iing'na' fa' e niquí' jíing- yaang'na' fí' quini' Fidiéé', joba' eáam' nijmi'mfing'na' jalé' iihuúí' e catfing'na' mi' nitf' í' e niquidsi' Fidiéé' í' laco' catfing- quiá' lajaang' lajaang' dsea' jmgüí'. ⁶Co' ié' jmíi' job' mi' niquír- quiá' lajaang' lajaang' dsea' lí' jialco' jíí' e nica'éé' dsea' lajee' e seein' fí' jmgüí' la. ⁷Jö jaléng' dsea' i 'nó' jial e nifé' Fidiéé' guíá' uii' quiá'r- jogui jial e niñiin' quiá' dsea' do jalé' e jlo' e catfíin' jogui jial e niliseein' lata' uíi' e cuø' dsír' e jmóor' jalé' e guíá', joba' lajaléng' dsea' i jmóo' lajo, Fidiéé' nicuø'bre jaléng' í' e niliseein' cøøng' cóo'r' lata'. ⁸Jö dsu' lajaléng' dsea' i jmóo'

lajíi' e lí' dsír' yaaii' jogui ja' núu'r' jalé' ta' huí', co' lí' lí' tí'gui dsír' e jmóor' jalé' e ja' dseeng', jo uíi' joba' Fidiéé' eáam' nisiguíin' quiá' jaléng' í', jo iihuúí' e eáam' nicuø' rein'. ⁹Jöba' jaléng' i dsea' i jmóo' jalé' e ga' lajo, eáam' fí'í' nilíin' cóo' jalé' iihuúí' e ni'ín' e jáa' quiá' Fidiéé', jo jee' jo quiéeng' jaléng' dsea' i lííng' dsea' Israel jogui dsu' lajobi' cajo jaléng' dsea' i ja' lííng' dsea' Israel. ¹⁰Dsu' jaléng' i dsea' i jmóo' jmang' jalé' e guíá', 'ñiab' Fidiéeb' nicuø'r- jaléng' í' jalé' e jlo' e catfíin', jogui nifé'r' guíá' uii' quiáin', jogui nicuø'r- e niliseein' juguíá' contøøng' cajo. Jö jee' jo quiéeng' jaléng' dsea' Israel, jogui dsu' lajobi' cajo jaléng' dsea' i ja' lííng' dsea' Israel. ¹¹Co' Fidiéé' ja' cár' cuente jial lííng' dsea', co' røøb' líí'naa' lajii'naa' fí' quinir'.

¹²Jö jaléng' dsea' i éé' dsee- e ja' mí' calicuír' e júu' quiu' ta' quiá' Moi~, joba' mi' nitf' í' e júuin' ja' ni'íi' í' quiá'r- la'eáang' cóo' e júu' quiu' ta' do; jo dsu' jaléng' dsea' i éé' dsee- nañi' fa' nicuúí' bre jial fé' e júu' quiu' ta' do, joba' mi' nitf' í' e júuin', cóo' e júu' quiu' ta' dob ni'íi' í' quiá'r- laco' catfing-. ¹³Co' ja' ni'íng' Fidiéé' jaléng' i dsea' i líco' núu' e júu' quiu' ta' do e lííin' dsea' i ja' røøng' dsee' fí' quinir', dsuco' lajíi' dsea' i jmóo' núu' laco' fé' e júu' jo, jíí' í'bing' i ni'íng' Fidiéé' e lííin' dsea' i ja' røøng' dsee' fí' quinir'. ¹⁴Jö jaléng' dsea' i ja' lííng' dsea' Israel ja' seá' quiá'r- e júu' quiu' ta' do; dsu' mi' jmóor' laco' fé' e júu' quiu' ta' do, jmóor' jíi' laco' í' dsír' yaam'bre, joba' lafa' yaam'bre seá' júu' quiu' ta'

quiá'r- jóng. ¹⁵Dsucō' cōo'~ lajalé' e jmoór' do cuø' li~ quiá'r- e dseáng'~ fí' dsí'bre seà' jalé' e júu' quiu' ta' do. Co' cōo'~ jíi' e í' dsíir' yaaiñ' do nija' júu' quiá'~ jalé' e jo, jogui cajo cōo'~ jalé' e í' dsíir' do ni'níng' ír' osi nijmi'óng' ír' é. ¹⁶Jo nidsijéé' lajalé' e jo lí' laco' cafa' a na mi' niguiéé' jmi' e Fidiéé' ni'ír' í' lí' jialco' ca'f' dsíi' dseà' jogui jialco' cajméer' lí' ja' ni' dseà' jíéng'. Jo nijmér' lajo la'eáang' cōo'~ Fíi'naa' Dseà' Jmáang' lí' laco' jíi' líi' e júu' e guia' jnea'.

Jial seeng' dseà' Israel cōo'~ e júu' quiu' ta' quiá'r- e cajme' Moi'

¹⁷Jo fíi' guíi' jaléng' 'nú', dseà' fó'na' e líéng'na' dseà' Israel jogui e teà' teáang'na' cōo'~ júu' quiu' ta' quiá'~ Moi' jogui e jmi'jlong' yaang'na' dsu' uíi' e líéng'na' dseà' siguáng' quiá'~ Fidiéé'; ¹⁸jogui fó'na' cajo e ni'í' bi' lajíi' e iing' Fidiéé' e nijmée'na', jogui e júu' quiu' ta' do jmicōo'~ 'nú' e niguíi'na' jnang' e guíi' e nijmée'na', ¹⁹jogui e dseáng'~ nitab' óo'na' e nilí'ba' nijmicōo'na' jaléng' dseà' i lafa' tiuung' uíi' e ja' já' líiñ' e seeng' jaang' Fidiéé', jogui fó'bi' cajo e lí'bi' nijmicōo'na' jaléng' dseà' i seeng' fí' lí' nuu' sò' uíi' e eáang' beáng' dsee' yaaiñ'; ²⁰jogui fó'na' cajo e nitab' óo'na' e lí'ba' é'na' jaléng' dseà' i ja' lí' gui' jnang' jalé' e guíi' e nijmér', jogui e tiim'ba' jmée'na' lajo cajo cōo'~ i dseà' i tá' caliñi' e júu' quiu' ta' quií'na' do, dsucō' e fí' ni' júu' quiu' ta' do í' óo'na' e fí' job lí' seà' uing' e laco' tiéng'na' ngáng'na' jogui e laco'

líi'na' jalé' júu' já'. ²¹Joba' fíi' i jaléng' 'nú' e 'núb' e'na' jaléng' dseà' jíéng', jo dsu' eáang'gui 'né' e nijmitíéng'na' yaang'na'; jogui 'nú' guia'na' júu' jee' jaléng' dseà' e ja' dseeng' e jmoo' dseà' i, jo dsu' cuøøng' 'nú' bi' jmoo'na' i' quiá' dseà' rúng'na'; ²²jogui fí'na' dseà' e ja' dseeng' e 'léé' dseà' e güiñ' cōo'~ i o' quiá'r-, jo dsu' cuøøng' 'nú' bi' jmoo'na' jalé' e ja' dseeng' lajo; jogui 'ní' máang'na' jaléng' diéé' i jmáang' dseà' cōo'~ guoor', dsu' cuøøng' 'nú' bi' jmoo'na' i' jalé' e seà' fí' sinúu' guá' quiá' jaléng' i diéé' do; ²³jogui eáang' jmi'jlong' yaang'na' quiá' e júu' quiu' ta' quiá'~ Moi' do, jo dsu' ja' jmi'goo'na' 'ñia' Fidiéé', co' ja' jmoo'na' nuu'na' jalé' e júu' quiu' ta' do. ²⁴Co' e jáb' e líéng' uim'ba' e fé' fí' ni' j' quiá'~ Fidiéé' lala: "Jaléng' dseà' i ja' líéng' dseà' Israel gab' fé'r' uii' quiá'~ Fidiéé' uíi' cōo'~ jalé' e ga' e jmoo' 'nú', dseà' líéng'na' dseà' Israel."

²⁵Dsucō' e jáb', doñi' i' 'nú' i' nuu' e júu' quiu' ta' quiá'~ Moi' do, seab' lí' íéng' ta' quií'na' e tōo' lí' fí' ngúu' táang'na' lí' laco' la litíéng'naa', dseà' líi'naa' dseà' Israel. Jo dsu' song ja' nuu'na' e júu' quiu' ta' do, joba' ja' e ta' íéng' quií'na' jóng e tōo' lí' fí' ngúu' táang'na' do. ²⁶Jo song i' 'nú' ja' mí' catō' lí' fí' ngúu' táang' jo dsu' jmiti'ba' lajíi' e júu' quiu' ta' do, joba' Fidiéé' ím'bre 'nú' jóng lafa' jaang' dseà' i nicatō' lí' fí' ngúu' táang', nañi' fa' ja' mí' cali're lajo. ²⁷Jo i' dseà' i ja' tōo' lí' fí' ngúu' táang' dsu' jmiti'bre e júu' quiu' ta' do, joba' cōo'~ i dseà' í' cuø' lí' e jaléng' 'nú', dseà' líéng'na' dseà' Israel, oo'ba' dsee' fí'

quini⁵ Fidiée⁵. Co⁵ nañi⁵ fa⁵ nicatób⁵
e li⁵ do fi⁵ ngúu⁵ táang⁵na⁵ jogui⁵ e
seab⁵ quií⁵na⁵ e júu⁵ quiu⁵ ta⁵ do,
dsu⁵ ja⁵ jmití⁵na⁵ laco⁵ fé⁵ e júu⁵ jo.

²⁸Dsuco⁵ e jáb⁵, lajob líí⁵, jíí⁵
jaang⁵ dseá lííiñ⁵ dseáng⁵ dseá
Israel dsu⁵ uíí⁵ e jmóor⁵ jíí⁵ e qui⁵
tíing⁵ dseá áang⁵ quiár⁵ fa⁵ e tóor⁵
li⁵ fi⁵ ngúu⁵ táaiñ⁵. ²⁹Dsuco⁵ i⁵ dseá
i⁵ dseáng⁵ já⁵ líing⁵ dseá Israel, fi⁵
dsíí⁵ bre lí⁵ lííiñ⁵ lajo, jogui⁵ e qui⁵
tíiñ⁵ e jmóor⁵ li⁵ fi⁵ ngúu⁵ táaiñ⁵ do,
o⁵ fi⁵ jo lí⁵ 'né⁵ jmér⁵ lajo, co⁵ lafa⁵ fi⁵
dsíí⁵ bre lí⁵ nitóo⁵ e li⁵ do lana, co⁵
dseá quiá⁵ Dseá Jmáang⁵ nilííiñ⁵,
jo Jmiguí⁵ quiá⁵ Fidiéeb⁵ dseá jmóo⁵
lajo, jo o⁵ júu⁵ quiu⁵ ta⁵ quiá⁵ Moi⁵
e jmóo⁵ lajo. Jo i⁵ dseá i⁵ líing⁵ lajo,
Fidiée⁵bing⁵ i⁵ fé⁵ guiá⁵ uii⁵ quiár⁵ jo
o⁵ dseá jmigüí⁵ i⁵ fé⁵ lajo.

3 Joba⁵ ¿su guiá⁵gui e líí⁵naa⁵
dseá Israel, jogui⁵ su e
quíing⁵gui qui⁵ii⁵ e tóo⁵ li⁵ fi⁵ ngúu⁵
táang⁵naa⁵ lí⁵ laco⁵ qui⁵ tíi⁵naa⁵? ²E
jáb⁵, lajob líí⁵, co⁵ jmiguiub⁵ uuing⁵
sea⁵ e guiá⁵ e líí⁵naa⁵ dseá Israel,
jo e laba⁵ e niing⁵gui e jneaa⁵bing⁵
i⁵ nicangíing⁵ júu⁵ quiá⁵ Fidiée⁵.

³Jo dsu⁵ e jáb⁵, i⁵ líing⁵ la'ó⁵ dseá
góo⁵naa⁵ dseá Israel nicatú⁵ bre e já⁵
lííiñ⁵ júu⁵ quiá⁵ Fidiée⁵. Dsu⁵ Fidiée⁵
contøom⁵ jmitir⁵ júu⁵ quiár⁵ nañi⁵
fa⁵ i⁵ líing⁵ dseá góo⁵naa⁵ ja⁵ cajméer⁵
já⁵ lííiñ⁵ e júu⁵ jo. ⁴Co⁵ e jáb⁵,
contøom⁵ fé⁵ Fidiée⁵ júu⁵ já⁵, nañi⁵
fa⁵ dseá jmigüí⁵ contøom⁵ quier⁵ júu⁵
ta⁵ júu⁵. Co⁵ lalab fé⁵ fi⁵ ni⁵ jì⁵ quiá⁵
Fidiée⁵ lí⁵ fé⁵ cauiñ⁵ quiár⁵:

Jo mi⁵ núu⁵ dseá júu⁵ quií⁵
conguiab⁵ lííir⁵ e jmang⁵ júu⁵
já⁵ ba⁵ fó⁵ 'nù⁵,
jo contøom⁵ lí⁵ mi⁵ cuø⁵ dseá
'nù⁵ dsee⁵.

Jo lanab fé⁵ fi⁵ ni⁵ jì⁵ quiá⁵ Fidiée⁵.

⁵Jo dsu⁵ song jalé⁵ e ga⁵ e
jmoo⁵naa⁵ íing⁵ ta⁵ e laco⁵ eáang⁵gui
nililí⁵ dseá jialco⁵ jmóo⁵ Fidiée⁵
jmang⁵ jalé⁵ e guiá⁵, joba⁵ ¿e⁵
nife⁵ee⁵ jóng⁵? ¿Su e gab⁵ jmóo⁵
Fidiée⁵ mi⁵ cuø⁵ iihuí⁵ uíí⁵ jalé⁵
e ga⁵ e jmoo⁵naa⁵ do? (Dsu⁵ fál⁵a e
júu⁵ la lí⁵ laco⁵ la fé⁵ doñi⁵ ií⁵ dseá
jmigüí⁵.) ⁶Dsu⁵ Fidiée⁵ jíí⁵ coo⁵ e
ga⁵ jmóor⁵. Co⁵ faco⁵ ja⁵ cuø⁵ iihuí⁵
mi⁵ jmóo⁵ dseá e ga⁵, joba⁵ ¿jial lí⁵r⁵
e ni⁵ír⁵ í⁵ røø⁵ quiá⁵ lajaléng⁵ dseá
jmigüí⁵? ⁷Jo seem⁵ dseá i⁵ fé⁵ e coo⁵
jalé⁵ júu⁵ e o⁵ já⁵ e fé⁵r⁵, eáang⁵gui
nililí⁵ dseá jial fé⁵ Fidiée⁵ jmang⁵
júu⁵ já⁵, jo lajoba⁵ nijmi⁵gó⁵ dseá ír⁵.
Jo song lajob líí⁵, joba⁵ ¿jiali⁵ ngíing⁵
i⁵ dseá í⁵ dsee⁵ e lííiñ⁵ jaang⁵ dseá
dsee⁵ dseá qui⁵? ⁸Jo song lajob líí⁵
cajo, joba⁵ cuøøng⁵ fe⁵ee⁵ jóng⁵, ¿jiali⁵
ja⁵ jmó⁵oo⁵ e ga⁵ e laco⁵ ni⁵uíing⁵
jmang⁵ e guiá⁵? Jo lanab fé⁵ i⁵ líing⁵
dseá e cuø⁵r⁵ jnea⁵ dsee⁵, co⁵ fé⁵r⁵ e
e júu⁵ lanaba⁵ ee⁵ jnea⁵ dseá rún⁵n,
jo dsu⁵ dseáng⁵ o⁵ lajo. Jo jaléng⁵
i⁵ dseá i⁵ fé⁵ ga⁵ lajo lí⁵ catíiñ⁵ e
ni⁵íñ⁵ lajii⁵ iihuí⁵ quiá⁵ jalé⁵ e ga⁵
e jmóor⁵ do.

Jalém⁵ dseá røøiñ⁵ dsee⁵

⁹Joba⁵ ¿su jneaa⁵aa⁵, dseá líí⁵naa⁵
dseá Israel, guiúng⁵guí⁵ fi⁵ quini⁵
Fidiée⁵ laco⁵gui i⁵ dseá i⁵ ja⁵ líing⁵
lajo? iU⁵, dseáng⁵ o⁵ lajo! Dsuco⁵
nicafí⁵baa⁵ 'nú⁵ e lajalém⁵ dseá
i⁵ líing⁵ dseá Israel jogui⁵ lajalém⁵
dseá i⁵ ja⁵ líing⁵ lajo dseáng⁵ røøb⁵
lííiñ⁵, co⁵ jalé⁵ dsee⁵ quiá⁵ bre silí⁵
ír⁵. ¹⁰Co⁵ lalab fé⁵ fi⁵ ni⁵ jì⁵ quiá⁵
Fidiée⁵:

iJa⁵ seeng⁵ jíí⁵ jaang⁵ dseá fa⁵ e
éer⁵ røø contøøng⁵!

iCo' dseáng' jii' jaang' dseáng'
 ja ii' seeng' i jmoo' lajo!
 11 Jogui ja' seeng' dseà i quí' jmií'
 ningáng',
 o'gui i iing' ni'náng' Fidié'
 cajo.
 12 Co' lajiim' dseà nicacár' fí' ga,
 jogui lajiim' cajo ja' eè' uing'
 seà quiá'r' jii' coò.
 iCo' ja' seeng' jaang' dseà fa' i ée'
 røø!
 iCo' dseáng' jii' jaang' dseáng'
 ja ii' seeng' i jmoo' lajo!
 13 Jo jalé' júu' e fé'r', j mang' júu'
 'lib' líí.
 Jo eáam' jmiçóoiñ' dseà rúin'
 cóo' jalé' e fé'r'.
 Jo jalé' e júu' jo eáam' 'lee',
 lí' laco' líí' e nó' quiá' jaang'
 mi' i guíng'.
 14 Jo lajalé' e fé'r' do j mang' júu'
 guíib',
 jo cóo' jalé' e jo eáam' bíin'
 jaléng' dseà rúin'.
 15 Jo contøøng' guíng' dsíir' e
 nijngáin' dseà rúin'.
 16 Jo lajii' fí' teáaiñ' dseáng'
 j mang' lajii' e 'lé' bre
 dseáng'.
 Jo cuø' iihuí' jaléng' dseà
 rúin'.
 17 Jo dseáng' jii' capí' ja' ñir' jial
 dseáng' e seein' juguiú'
 cóo' Fidié'.
 18 Jogui dseáng' jii' capí' ja' ñir'
 e 'né' e nijmí'gór' Fidié'.
 Jo lanab líí' júu' quiá' Fidié'.
 19 Jo nine'baa' røø' e lajalé' e
 júu' quiá' ta' e cajme' Moi' jaléng'
 dseà Israelbing' catíng' nijmiti',
 jo lajoba' jii' jaang' dseà jmiçúí'
 cuøøng' fa' nijíñ' e ja' røøin' dsee'
 fí' quini' Fidié', co' dseà í'bing' i

í' í' laco' catíng' quiá' lajaléng'
 dseà jmiçúí'. 20 Co' Fidié' ja' ni'íñ'
 jii' jaang' dseà e líin' jaang' dseà
 i ja' røøng' dsee' fí' quini' dsu' uíí'
 e jmitir' e júu' quiá' ta' do. Dsaco'
 jii' lí' íing' ta' e júu' quiá' ta' do e
 lico' line'naa' e líí'naa' dseà røøng'
 dseeb'.

Jial íng' Fidié' jneaa'aa' la'eáang'
 e já' líí'naa' júu' quiá'r'

21 Jo dsu' lana Fidié' nicacuø'r'
 jneaa'aa' e nine'naa' jial e íñ'
 jneaa'aa' e líí'naa' dseà i ja' røøng'
 dsee' fí' quini'. Jo jmóor' lajo dsu'
 o' uíí' e jmití'naa' júu' quiá' ta'
 e cajme' Moi'. Jo røøb' cóøng' e
 júu' na laco'gui e fé' e fí' ni' e
 júu' quiá' ta' do jogui laco' e café'
 jaléng' dseà i café' cuaiñ' quiá'
 Fidié' malií'gui eáang'. 22 Jo røøb'
 íng' Fidié' lajaléng' dseà jmiçúí'
 e líin' dseà i ja' røøng' dsee' fí'
 quini' la'eáang' e já' lííin' júu'
 quiá' Dseà Jmáang'. 23 Co' lajiim'
 dseà jmiçúí' nica'éer' dsee', jo
 uíí' e joba' ja' catíin' e nitíin' e
 niliseeíñ' cóo' Fidié' fí' lí' niing'
 'gøng' dseà do. 24 Dsu' uíí' e Fidié'
 eáam' 'neáaiñ' jneaa'aa' e jii' ja'
 catí'naa' lajo, joba' ca'íin' jneaa'aa'
 e líí'naa' dseà i ja' røøng' dsee' fí'
 quini'. Jo cajméer' lajo la'eáang' e
 nicaleáang' Dseà Jmáang' jneaa'aa'
 jee' jalé' dsee' quí'ii' ie' lami'
 cajúin' fí' dse' crúu'. 25 Jo Fidié'
 cacuøoiñ' Dseà Jmáang' e laco'
 cajúng' dseà do fí' dse' crúu'. Jo
 la'eáang' cóo' e jmi'øøng' Dseà
 Jmáang' e catuu' fí' jo, ca'íin' dsee'
 quiá' dseà. Jo Fidié' cacuøoiñ'
 dseà do e laco' cuø' lí' e contøøm'
 jmóor' j mang' e guiá' jogui e

eáam' féng' dsíur' cajo, dsuco' ja' iu' dsíur' jalé' dsee' e ca'ée' dsea' lamí' jéeng'gui. ²⁶Jo cajméer' lajo e laco' niliñí' dsea' jmiñ' na e ím'bre dsea' e líiñ' dsea' i ja' røong' dsee' fí' quinir'. Jo e na cuø' li' e jíi' íb' dsea' i jmóo' jmang' jalé' e guiú', jogui jíi' íb' cajo i íng' doñi' ii' dsea' i ja' líng' júu' quiá' Dsea' Jmáang' e líiñ' dsea' i ja' røong' dsee' fí' quinir'.

²⁷Jo lana jíi' coø' fa' e nijmijlæng' yee'naa' fí' quini' Fidiée' e í' dsi'naa' e ni'íñ' jneaa'aa' dsu' uíi' e jmití'naa' e júu' quiu' ta' do, co' ni'ím'bre jneaa'aa' dsu' uíi' e ja' líi'naa' júu' quiá' Dsea' Jmáang'.

²⁸Jo lanaba' nicaline'naa' røø' e Fidiée' ni'ím'bre dsea' e líiñ' dsea' i ja' røong' dsee' fí' quinir' dsu' uíi' e ja' líiñ' júu' quiá' Dsea' Jmáang', dsu' o' uíi' e jmitir' e júu' quiu' ta' do. ²⁹Dsu' Fidiée' ja' líiñ' jíi' Fidiée' quiá' dsea' Israel, co' líim'bre cajo Fidiée' quiá' lajaléng' dsea' jmigúí'. ³⁰Co' dseáng' jaam' Fidiée' dseáng' i seeng', jo jíi' í'bing' i íng' dsea' i ja' líng' júu' quiá' Dsea' Jmáang' e líiñ' dsea' ja' røong' dsee' fí' quinir', nañi' su líiñ' do dsea' Israel oxi ja' líiñ' lajo é. ³¹Jo dsu' uíi' e ja' líi'naa' júu' quiá' Dsea' Jmáang', joba' dseáng' ja' cuøong' fa' e ni'náng' ca' lajíi' e fé' e fí' ni' júu' quiu' ta' do. Co' lí' lí' jmi'goo' bñi' jial tíi' niing' e fé' e júu' jo.

Jo lí' laco' cajmée' 'lii' yúu' Abraham, lajob 'né' jmó'oo'

4 Jo lana, dsea' rú'naa', nisi'naa' capi' cuaiñ' quiá' e' cal' coø' 'lii' yúu' quí'ii'

Abraham. ²Cofa' mi' ca'íng' Fidiée' 'lii' yúu' Abraham e líiñ' do jaang' dsea' i ja' røong' dsee' fí' quinir' dsu' uíi' jalé' e guiú' e ca'éeiñ', joba' seab' cuøong' lí' jmijlæng' 'ñia'r' jóng, dsu' o' fí' quini' Fidiée' faco' lajo. ³Dsuco' lalab fé' fí' ni' jì' quiá' Fidiée': "Jo 'lii' yúu' Abraham jab' calíñ' júu' quiá' Fidiée', joba' Fidiée' ca'íñ' dsea' do e líiñ' do jaang' dsea' i ja' røong' dsee' fí' quinir'."

⁴Jo lajob líi', fa' jaang' dsea' jmóor' ta', joba' e 'léeiñ' do ja' ngíiñ' lí' ta' ngíiñ', co' quiá' lajíi' ta' e jmóo'bre quiá' e joba' ngíiñ'. ⁵Jo dsu' fa' jaang' dsea' ja' líiñ' júu' quiá' Fidiée', joba' Fidiée' ím'bre dsea' do e líiñ' do jaang' dsea' i ja' røong' dsee' fí' quinir' nañi' fa' ja' mí' cajméeiñ' do jíi' coø' e guiú'. ⁶Co' caféb' dseata' dsea' féng' Davi' ie' mali'gui do quiá' jial tíi' juguiú' quiá' lí' doñi' ii' dsea' mí' jo' iu' dsí' Fidiée' coø' lajalé' e nicajméer' lamí' jéeng'gui, jogui e nica'íng'neiñ' e líiñ' do jaang' dsea' i ja' røong' dsee' fí' quinir'. ⁷Jo lalab cajíng' i dseata' do ie' mali'gui do:

iJo eáam' juguiú' quiá' jaléng' dsea' mí' Fidiée' nica'íñ' dsee' quiá' lajalé' e ga' e nicajméeiñ', jogui e nicaléang'neiñ' jee' jalé' dsee' quiáñ'!

⁸Jo eáam' juguiú' quiá' jaléng' dsea' i jo' iu' dsí' Fíi'naa' Fidiée' jalé' dsee' e nica'éeiñ'.

Jo lanab jíi' lí' júu' quiá' dseata' dsea' féng' Davi'.

⁹Jo e juguuiá na ja' catíng jjí' dseá Israel i quí' tíng' tóq' lí' fí' ngúu' táang', co' catíim' cajo jaléng' dseá i ja' líng' dseá Israel dseá i ja' quí' tíng' lajo. Co' lí' laco' la nicasíi' naa' 'nú' e Fidiée' ca'ím' bre 'líi' yúu' Abraham e líiñ' do jaang' dseá i ja' røong' dsee' fí' quinir' dsu' uíi' e ja' calíng' dseá do júu' quiá' Fidiée', ¹⁰jo élí' ca'íng' Fidiée' i 'líi' yúu' Abraham do e líiñ' do lajo? éSu ná' gui e cató' lí' fí' ngúu' táaiñ' osi mí' cangí jo é? Mól' ná' gui e cató' lí' fí' ngúu' táam' bre ca'íng' Fidiée' ír' e líiñ' do jaang' dseá i ja' røong' dsee' fí' quinir'. ¹¹Jo mí' cangí e ca'íng' Fidiée' i 'líi' yúu' do, joguiba' cató' lí' fí' ngúu' táaiñ' do e laco' cuø' lí' e nica'ím' Fidiée' ír' e líiñ' jaang' dseá i ja' røong' dsee' fí' quinir' dsu' uíi' e ja' calíiñ' do júu' quiá' Fidiée'. Jo uíi' e joba' i 'líi' yúu' Abraham do ca'uíiñ' lafa' tiquiá' jaléng' dseá i ja' líng' júu' quiá' Fidiée'. Co' Fidiée' bing' i íng' dseá i ja' líng' júu' quiá' e laco' nilíiñ' do dseá i ja' røong' dsee' fí' quinir', jo ja' eé' líí' fa' ja' mí' cató' lí' fí' ngúu' táaiñ' do. ¹²Jogu i 'líi' yúu' Abraham do líim' bre cajo lafa' tiquiá' jaléng' dseá Israel i nica'ím' lí' fí' ngúu' táang'. Jo i 'líi' yúu' do líiñ' lafa' tiquiá' jaléng' í' dsu' o' uíi' e nica'ím' lí' fí' ngúu' táaiñ' do; co' 'né' e nijmíi' biñ' do cajo lí' laco' cajmée' i 'líi' yúu' Abraham do ie' lamí' ja' calíiñ' júu' quiá' Fidiée' lajeé' e ná' gui e cató' lí' fí' ngúu' táaiñ'.

Mí' cacuø' Fidiée' júu' quiá' r' 'líi' yúu' Abraham

¹³Jo ie' malii' gui do Fidiée' cacuø' r' júu' 'líi' yúu' Abraham

cóo' gui jaléng' dseá sijur' e niñiim' biñ' do lajalé' e sea' fí' jmigüí'. Jo e júu' la caliti' dsu' o' uíi' e 'líi' yúu' Abraham cajmээр' náu' r' e júu' quiu' ta' e cajme' Moi'. Co' calí' lajo la'eéang' e jáb' calíng' i 'líi' yúu' do júu' quiá' Fidiée', jo uíi' e joba' e ca'íng' dseá do ír' e líiñ' jaang' dseá i ja' dsee' røong' fí' quinir'. ¹⁴Jo song' lajíi' dseá i jmiti' e júu' quiu' ta' do ni'íñ' lajalé' e sea' fí' jmigüí', joba' cuøong' fe'ee' jóng' e ja' eé' ta' íng' e ja' líng' dseá júu' quiá' Fidiée', jogui e júu' e cacuø' Fidiée' lamí' jéeng' gui do ja' eé' quíng' cajo. ¹⁵Co' song' ja' jmiti' dseá dseáng' røø' e júu' quiu' ta' do, joba' iihuúib' íñ' quiá' Fidiée' jóng. Jo dsu' lí' ja' sea' e júu' quiu' ta' do, joba' ja' eé' cuøong' lí' 'lé' dseá cóo' e jo.

¹⁶Jo Fidiée' cacuø' r' 'líi' yúu' Abraham júu' quiá' r' uíi' e ja' calíng' i 'líi' yúu' do júu' quiá' dseá do. Jo cajmée' Fidiée' lajo e laco' jaléng' dseá i líng' siju' 'líi' yúu' Abraham nita' dsíir' e dseáng' nijmitib' Fidiée' e júu' jo la'eéang' e eéang' 'neáiñ' jaléng' i dseá í' e jíi' ja' catíiñ' do lajo. Jo lí' laco' cuøong' fe'ee' e júu' na, e jalé' e jíng' Fidiée' e nicuø' r' jaléng' dseá, dsu' o' jíi' dseá i catíng' e júu' quiu' ta' do i nicuø' r' jalé' e jo, co' nicuø' r' bre cajo jaléng' i dseá i ja' líng' júu' quiá' r' lí' laco' cajmée' i 'líi' yúu' Abraham do. Jo lajoba' i 'líi' yúu' do ca'uíiñ' lafa' tiquiá' jaléng' jneaa' aa', dseá i ja' lí' naa' júu' quiá' Fidiée'. ¹⁷Jo lí' laco' la fé' Fidiée' fí' ni' j' quiá' r' lí' fé' r' lala cuaiñ' quiá'

'liĩ yúũ Abraham: “Nicajm̃e e nilíñ lafa' tiquiá' i fíing' lé' dseã jmĩgüĩ.” Jo lanab fé' Fidié̃ fí nĩ jĩ quiá'r̃. Jo e júũ la calitib̃, cõ' 'ñiab' Fidié̃ dseã cacuø'r̃. Jogui jáb' calíng̃ Abraham e júũ e cangíĩñ quiá' dseã do. Jo jíĩ Fidié̃ bing' i quií' jmĩ e nijmijí'r̃ jaléng' 'liĩ jogui e nijmér̃ e niliseã doñĩ e e ja' mí sea' fí jmĩgüĩ.

¹⁸Jo lajẽ e nidseáam̃ eáang' i 'liĩ yúũ Abraham do, jogui jo quií'r̃ jmĩ fa' e niliseeng' jóor' cõ' eáam̃ niyúu'r̃, jo dsu' jáb' calíĩñ do júũ quiá' Fidié̃ e quiá' niliseem̃ jóor' nañi' fa' ja' quií'r̃ jmĩ lajo. Jo dsu' lajob calí, jo “ca'uíĩñ lafa' tiquiá' i fíing' lé' dseã jmĩgüĩ” lí' laco'gui la nicasi' Fidié̃ ír̃ lamí jéeng'gui ie' lamí cajíng' dseã do lala: “Lanab niliseeng' fíing' dseã sjĩú'.” ¹⁹Jo dseáng' ja' calitúm̃ dsíi' 'liĩ yúũ Abraham e já' líĩñ júũ quiá' Fidié̃, nañi' fa' ie' jo ningóor' jie' ja' cien jíĩ, jogui nilí'bre cõo' dseam̃ quiá'r̃ i sii' Sara do e tí lí nijúum̃ bre. Jo lajì gám̃ bre ie' jo eáam̃ nidseáaĩñ, joba' jo quií'guir jmĩ fa' e niliseeng' jóor'. ²⁰Jo i 'liĩ yúũ Abraham do dseáng' jáb' calíĩñ jogui dseáng' calitab̃ dsíir' e dseáng' nijmitib̃ Fidié̃ lajiĩ júũ e cacuø'r̃ dseã do, jo eáang'gui já' calíĩñ jogui cajmita' gui dsíir' e dseáng' nijmitib̃ Fidié̃ lajiĩ e nicajíñ lamí jéeng'gui do. Jo uíĩ joba' eáam̃ cajmiféĩn' Fidié̃, ²¹cõ' dseáng' nitab̃ dsíir' e dseáng' quií' dseã do jmĩ e nijmitir̃ lajiĩ júũ e nicacuø'r̃ lamí jéeng'gui. ²²Jo uíĩ e já' calíĩñ do e júũ jo, joba' ca'íng' Fidié̃ ír̃

e liĩn' do jaang' dseã i ja' røong' dseẽ fí quinir̃. ²³Jo e ca'íng' Fidié̃ i 'liĩ yúũ Abraham do e liĩn' do jaang' dseã i ja' røong' dseẽ fí quinir̃ o' jíĩ quiá' 'liĩ yúũ í' dseáng' fé' e júũ na, ²⁴dsuco' catíim̃ jneaa'aa' e júũ na cajo. Cõ' ím' Fidié̃ jneaa'aa' e líi'naa' dseã i ja' røong' dseẽ fí quinir̃ dsu' uíĩ e já' líi'naa' júũ quiá'r̃. Jo jáb' líi'naa' cajo e Fidié̃ bing' i cajmijí'tu Fii'naa' Dseã Jmáang' ²⁵mĩ cangí e cacuøoĩñ dseã do e cajúĩñ fí dse' crúũ uíĩ jalé' dseẽ qui'ii'. Jo mĩ cangí jo, cajmijí'tur Dseã Jmáang' e laco' la'eáang' í' cajméer̃ cõo' jneaa'aa' e nilíi'naa' dseã i ja' røong' dseẽ fí quinir̃.

Jial íng' Fidié̃ dseã e liĩn' dseã i ja' røong' dseẽ fí quinir̃

5 Jo lana Fidié̃ nica'íĩn' jneaa'aa' e líi'naa' dseã i ja' røong' dseẽ fí quinir̃ dsu' uíĩ e nijá' líi'naa' júũ quiá'r̃. Jo cõ' lajob nilíi'naa', joba' juguiá' júũ røø niseẽ naa' lana cõo' Fidié̃ la'eáang' cõo' jalé' e nicajmée' Fii'naa' Dseã Jmáang' cõo' jneaa'aa'. ²Jo la'eáang' cõo' Dseã Jmáam̃ ba' e niseẽ naa' lajo cõo' Fidié̃. Jo nicangíng'naa' e jo uíĩ e já' líi'naa' júũ quiá'r̃. Jo lajob niseẽ naa' lana, jogui eáam' íaang' dsí naa', cõ' nitab̃ dsí naa' e dseáng' niliseem̃ baa' cøong' cõo' Fidié̃ fí lí niing' 'gõĩn' mĩ nití e í' jo. ³Jogui o' quiá' jíĩ e na e jmi'íaa'ng' dsí naa', cõ' lajob cajo jmi'íaa'ng' dsí naa' cõo' jalé' e huíng' e dsijée' qui'ii'. Cõ' nine' baa' guiá' e mĩ ningí

e dsingíng-naa' jalé' e jo, joba' eáang'guib niliféng' dsi'naa' cóo' doñí' ee' e nidsijéé' quí'ii' jóng. ⁴Jō mī jmoō-naa' e féng' dsi'naa' cóo' jalé' e dsingíng-naa' do, joba' guiúb- fé' Fidiéé' uii' quí'ii' jóng. Jō mī jmóo' Fidiéé' lajō cóo' jneaa'aa', joba' eáang'gui lita' dsi'naa' e niliseem-baa' cøong' cóo' Fidiéé' fí lí' niing' 'gøiñ'. ⁵Jō e nita' dsi'naa' na dseáng' nilitib~, cō' la'eáang' cóo' Jmiguí' quiár' e nicacuør' jneaa'aa' e nicaline-naa' jial tíí' e ja' cøong' cóo' e 'neáaiñ' jneaa'aa' do. ⁶Jō dsu' lajee' e ja' quí'guí' jmií' fa' e nilaang- yee'naa' jee' jalé' dsee- quí'ii', jō dsu' lajee' job mī catí' í' e cagüéng' Dseá' Jmáang' fí' jmigüí' la e laco' cajáng' 'ñia'r' e cajúin' cuaiñ' quí'ii', dseá' líí'naa' dseá' dsee- dseá' quí'. ⁷Dsu' huíim' eáang' nicuøng' 'ñia' jaang' dseá' e nijúuiñ' uii' quiá' jaang' dseá' i' ée' røø, jō dsu' cóo' jangám- seeng' jaang' dseá' i' nicuøng' 'ñia' e nijúuiñ' cuaiñ' quiá' jaang'gui dseá' i' dseáng' lajang' guiúng'. ⁸Jō dsu' lajee' e líí'naa' dseá' dsee- dseá' quí', Fidiéé' ca'e'r' jneaa'aa' jial tíí' ja' cøong' cóo' e 'neáaiñ' jneaa'aa', cō' casíin' Dseá' Jmáang' e laco' dseá' do cajúin' uii' dsee- quí'ii'. ⁹Jō lana nica'ím' Fidiéé' jneaa'aa' e nilí'naa' dseá' i' ja' røong' dsee- fí' quinir' la'eáang' cóo' e jmi'øong' Fíi'naa' Dseá' Jmáang'. Jō cō' lajōb cajméer' cóo' jneaa'aa', joba' lana eáang'guib nita' dsi'naa' e Dseá' Jmáam'bing' i' nileáng' jneaa'aa' jee' jalé' iihuí' e nilisea' mī' tí' lí' ni'f' Fidiéé' í' quiá' lajaléng' dseá' jmigüí'. ¹⁰Jō lajee' e ja' see' naa' røø cóo' Fidiéé' jōgui e 'ní'

máang'naa're, jō lajee' job cajméer' e caliséng'naa' juguiá- júu' røø cóo' la'eáang' e cajúng- Jóor' Dseá' Jmáang- fí' dse' crúu'. Jō cō' lajōb cajméer' cóo' jneaa'aa', joba' lana eáang'guib nita' dsi'naa' e dseáng' nileám'baa' jee' jalé' dsee- quí'ii' la'eáang' e cají'tu' Dseá' Jmáang- mī' cangf' e cajúin'. ¹¹Jō o' jíí' quiá' e na e jmi'íáang' dsi'naa', cō' lajōb jmi'íáang' dsi'naa' cajo cóo' lajalé' e nicajméé' Fidiéé' cóo' jneaa'aa' la'eáang' cóo' Fíi'naa' Dseá' Jmáang'; dsuco' la'eáang' dseá' dob e nisee'naa' lana juguiá- júu' røø cøong' cóo' Fidiéé'.

Mi' canaang' e sea' dsee' fí' jmigüí'

¹²Jō lajōb líí', dseá' rú'naa'; jō la'uii~, mī' canaang' e caliseá' dsee- fí' jmigüí' la, calí' lajō uii' jaang' dseañu' i' calisí' Adán. Jō dsifí' mī' cangf' e ca'éer' dsee~, job mī' canaang' e caliseá' 'mó'; jō cō' lajōb cajméeiñ' do lamí' uii~, joba' lajím' dseá' lati' lana sea' 'mó' quiár' uii' jalé' e dsee- e éer'. ¹³Jō dseá' dsee- dseá' quib' nilíng' dseá' lajíí' ie' nú'gui e niñíng' Moi' e júu' quiu' ta' quiá' Fidiéé'. Jō dsu' mī' ja' sea' júu' quiu' ta', joba' ja' cuøong' lí' ñíng' dseá' dsee- e ja' mī' cajmitir' e júu' jō. ¹⁴Jō lajōb líí', lajaléng' dseá' i' caliséng' jíí' ie' lamí' cajá' Adán jō ie' cartí' cajá' Moi' caliseáb' 'mó' quiár', joba' cajúm-bre. Jō calíin' lajō uii' jalé' dsee- e ca'éer', lifa' ja' ca'éer' dsee- e laco' dsee- e ca'éé' Adán, cō' i' dseá' do ja' cajméer' núu' cōø' ta' caquiú' Fidiéé'. Jō i' Adán labing' i' líng' cōø' e lí' quiá' jaang' i' niing' i' nijáa' cøong'gui.

¹⁵ Jo ja` cu0ong` c0ong`naa' r0d` e dsee` e ca'ée` Adán jogui e cacu0' Fidiée` jneaa`aa' e íaang` dsír'. Dsuc0' uíi' e dsee` e ca'ée` i Adán do ie` jo, joba' caliseá' 'm0' fí jmigüi' la, jo mi' calí lajo, joba' lajiim` dsea` júuiñ` j0ng. Jogui e cangíing`naa' quiá' Fidiée` uíi' e 'neáiñ` jneaa`aa' do cajmilir` lajo c0o'` jíi' 'ñia' Dsea` Jmáang`. C0' e cajmée` Dsea` Jmáang` do dseáng'` ja` sea` e cu0ong` lí` c0ng` c0o'` e jo, c0' la'eáang` jíi'` c0o'` íb` fíim` dsea` jmigüi'` tiiñ` fí` quini' Fidiée`.

¹⁶ Jo e cangíing`naa' quiá' Fidiée` uíi' e eáang` 'neáiñ` jneaa`aa' do ja` cu0ong` lí` c0ong`naa' c0o'` e dsee` e ca'ée` i Adán do. C0' mi' ca'éeiñ` do dsee`, joba' canaang` e caliseá' 'm0' fí` jmigüi', jo uíi' joba' ca'naam` dsea` j0ng e seeiñ` c0ong` c0o'` Fidiée`. Jo dsu' e cangíing`naa' quiá' Fidiée` do jm0o' e íñ' jneaa`aa' e nilíi'naa' dsea` i ja` r0ong` dsee` fí` quini'. Jo e jo jm0o' Fidiée` c0o'` jneaa`aa' la'eáang` c0o'` Dsea` Jmáang`, c0' í`bing` i nica'íng` lajalé'` dsee` quiá'` dsea` jmigüi'.

¹⁷ Jo dsu' e jáb'`, mi' ca'ée` i Adán do la'uii' dsee`, joba' canaang` e caliseá' bí` quiá'` 'm0', c0' dseáng'` lajiim` dsea` jmigüi'` tiiñ` e jo. Jo dsu' eáang`gui`b sea` bí` quiá'` lajíi'` e cu0' Fidiée` i fíing` dsea` jmigüi'` e íng`neíñ' e líiñ` dsea` i ja` r0ong` dsee` fí` quini'. Jo jm0o' Fidiée` lajo la'eáang` c0o'` jíi'` 'ñia' Dsea` Jmáang` uíi' e eáang` guíiñ` c0o'` dsea` jmigüi'. Jo c0' lajob líí, joba' r00b` ni'íiñ' í' c0o'` Dsea` Jmáang` mi' nití' í' lajo.

¹⁸ Jo c0' la'eáang` c0o'` e c0o'` dsee` e ca'ée` i Adán do, job mi'

ca'naang` dsea` e seeiñ` c0ong` c0o'` Fidiée`. Jo dsu' la'eáang` c0o'` e c0o'` e guíu' e cajmée` Dsea` Jmáang` fí` dse'` crúu', joba' lana niseab` fí' e lajaléng'` dsea` nilíiñ` dsea` i ja` r0ong` dsee` fí` quini' Fidiée`. ¹⁹ Jo c0' ja` cajmée`gui` i Adán do núu'r` lajíi'` ta` caquiú' Fidiée`, joba' lajalém'` dsea` jmigüi'` ca'uíiñ` dsea` dsee` dsea` qui'. Jogui lajobi` cajo, la'eáang` e cajmée` Dsea` Jmáang` núu'r`, joba' íng'` Fidiée` i fíim` dsea` jmigüi' e líiñ'` do dsea` i ja` r0ong` dsee` fí` quini'.

²⁰ Jo mi' caliseá' e júu' quiú' ta' e cajme'` Moi` do, joba' eáang`gui`b calilí'` dsea` e r0oiñ` dsee` j0ng. Jo dsu' mi' calimíing'` eáang` dsee` quiá'` dsea, joba' Fidiée` eáang`gui`b caliguiúñ` c0o'` jaléng'` dsea` nañi' fa' ja` catíiñ'` lajo. ²¹ Jo dsu' e jáb'` e dsee` e ée` dsea` jmigüi'` seab` bí` quiá'`, c0' fí' 'm0b` sí'`. Jo dsu' e eáang` guíuñ` Fidiée` c0o'` jneaa`aa' do eáang`gui`b sea` bí` quiá'`, c0' nica'ím'` bre jneaa`aa' e líi'naa' dsea` i ja` r0ong` dsee` fí` quini'. Jo cajmée'r lajo c0o'` jneaa`aa' e lac0' nilisee`naa' car` ngongíi` jmií' la'eáang` c0o'` Fíi'naa' Dsea` Jmáang`.

Lafa' dsea` 'míing` nilíi'naa'
la'eáang` c0o'` Dsea` Jmáang`

6 Jo fíi`guii'` 'nú', dsea` rú'naa', e ja` cu0ong` e ni'í'gui` dsi'naa' e nibeáang'`gui` dsee` yee`naa' e lac0' eáang`gui` niliguiúñ` Fidiée` c0o'` jneaa`aa'. ²iC0' dseáng'` 0' lajo! Dsuc0' jneaa`aa' lafa' nicajúm`baa' uíi' e nica'náng`naa' jee` jalé'` dsee` e lamí` quie'` nifi` quí'ii'. Jo c0' lajob nilíi'naa', joba'

jò cuòøng` fa' e nibeáang`gui dsee` yee`naa'. ³Dsucò' nine`baa' guiú` e ie` mi` cajgáang`naa' jmiì` uíi` e nilíí`naa' dseà` quiá` Dseà` Jmáang`, joba' lafa' e cajúm`baa' jóng`còo` dseà` do` fí` dse` crúu`. ⁴Cò' ie` mi` cajgáang`naa' jmiì` do` líi` lafa' e røøb` ca`áng`naa' còo` Dseà` Jmáang` mi` cangf` e cajúin`. Jogui` mi` cají`tu` Dseà` Jmáang` la'eáang` còo` e güea` 'gøng` quiá` Tiquiá`r` Fidiéé`, joba' lafa' cají`b`tu` jneaa`aa' cajo` e laco' nilisee`naa' e nilíí`naa' lafa' dseà` 'míing`.

⁵Jò cò' lafa' cajúm`baa' ie` lami` cajúing` Dseà` Jmáang`, joba' lana lafa' jaam` dseà` nilíí`naa' còo`r`. Jò cò' cají`b`tu` Dseà` Jmáang` mi` cangf` jo, joba' jneaa`aa' cajo` nijí`b`tu`u` ie` jo` e laco' nilisee`naa' cøøng` còo`r`. ⁶Jò nine`baa' guiú` e ie` mi` catáng` Dseà` Jmáang` fí` dse` crúu`, cacò`bre lajalé` e ja` dseeng` e lami` jmoo`naa' do, jò lajoba' ca`ím` e si' fí` quí`ii' e ni`ee`naa' dsee` do. Jò cò' lajob` calf`, joba' lana jò` quiu`gui` ta` jneaa`aa' jalé` dsee`. ⁷Dsucò' fa' mi` júung` jaang` dseà, joba' jò` cuòøng` fa' e nijmirøng`gui` 'ñaia`r` dsee`.

⁸Jogui` cò' jneaa`aa' lafa' nicajúm`baa' røø` còo` Dseà` Jmáang`, joba' nitab` dsi`naa' e dseáng` nilisee`baa' cøøng` còo`r` car` ngongíi` jmiì`. ⁹Jò cò' cají`b`tu` Dseà` Jmáang` mi` cangf` e cajúin`, joba' guiú`b` nine`naa' e jò` cuòøng`gui` fa' e nijjúng`tur` calé` catú`, cò' jò` sea` bí` quiá` `mó` fa' e niquiá`gui` ta` ír`. ¹⁰Jò còo` ya`ba' cajúing` Dseà` Jmáang` fí` dse` crúu` uíi` jalé` dsee` quí`ii', jò lajoba' ca`fiin` car` ngongíi` jmiì`

e bí` quiá` jalé` e dsee` jo. Jò mi` cangf` jo, cají`tur` calé` catú` e laco' lana niseeiñ` cøøng` còo` Fidiéé` car` ngongíi` jmiì`. ¹¹Jò lajob` jaléng` 'nú` cajo` né` í` óo`na' e lafa' nicajúm`ba' uíi` e jò` quiu`gui` ta` 'nú` jalé` dsee` quíi`na'. Cò' lanagui` 'né` í` óo`na' e seeng`na' cøøng` còo` Fidiéé` la'eáang` e nilíing`na' jaang` dseà` còo` Dseà` Jmáang`.

¹²Jò cò' lajob` líi`, dseà` rú`naa' dseà` quiá` Dseà` Jmáang`, joba' fíi`guíi` 'nú` e ja` cuø`gui` fí` yaang`na' fa' e dsee` quíi`na' quiú`gui` ta` 'nú` e laco' nijmití`na' lajii` e lí` óo`na' yaang`na'. ¹³Jò ja` jáang` yaang`na' fí` ni` dsee` e laco' nilisea` fí` quíi`na' e nijmée`na' jalé` e ja` dseeng` e lí` óo`na' yaang`na', dsucò' o' lajo` e 'né` jmée`na' lana; cò' lí' lí' 'né` jmée`na' e nijjáang` yaang`na' fí` jaguó` Fidiéé`, cò' lana nilíing`na' dseà` i` lafa' nicajúing` jogui` i` lafa' nicají`tu` calé` catú`. Jò cò' lajob` nilíing`na', joba' 'né` jmée`na' e nijjáang` yaang`na' fí` jaguó` Fidiéé` e laco' dseà` do` nijmér` còo` 'nú` jialcò' iin` e nijmée`na' jmang` jalé` e guiú`. ¹⁴Jò jò` 'né`gui` fa' e quiu`gui` ta` 'nú` jalé` dsee` quíi`na', cò' lana niseeng`na' uíi` e eáang` 'neáang` Fidiéé` 'nú', jò jò` seeng`na' fa' e quiu`gui` ta` quíi`na' e júu` quiu` ta` e cajme` Moi` do.

**Jial laang` dseà` e seeiñ` e
jò` quiu` ta` dsee` ír`**

¹⁵Jò cò' lana nisee`naa' uíi` e eáang` 'neáang` Fidiéé` jneaa`aa' jogui` e jò` quiu`gui` ta` quí`ii' e júu` quiu` ta` do, joba' ja` dseeng` fa' e nibeáang`gui` dsee` yee`naa'. ¹⁶Jò

guiúb̄ niñíˆ 'núˆ' e song nijáangˆ yaangˆna' e nijméeˆna' taˆ quiáˆ jaangˆ dseá, joba' 'néˆ jmitíˆba' jóng jaléˆ' taˆ e niquiúˆ' i dseá do, co' lafa' dseá si'niim̄ nilíngˆna' quiáˆ' i dseá i língˆ fíiˆna' do. Jo lajob lííˆ e la, song 'núˆ' jmitíˆna' lajííˆ' taˆ quiúˆ' dseeˆ quiíˆna', joba' lafa' dseá i nisijúumˆ língˆna' jóng, co' nisi'naamˆba' cóoˆ' Fidiéeˆ. Jo dsu' song 'núˆ'gui jmoóˆna' núúˆ'na' júúˆ quiáˆ' Fidiéeˆ, joba' ni'ímˆbre 'núˆ' jóng e língˆna' dseá i ja røøngˆ dseeˆ fíˆ quiniˆr. ¹⁷Dsu' lana gui'máamˆ' Fidiéeˆ uiiˆ quiíˆna', co' ieˆ lamíˆ jééngˆgui do dseeˆ quiíˆba' silííˆ' 'núˆ', jo dsu' lanagui nicajmitíˆba' e ngocángˆ óoˆna' lajííˆ' e júúˆ quiáˆ' Fidiéeˆ e nica'fingˆ'na' do. ¹⁸Jo co' jo silííˆ'gui 'núˆ' jaléˆ' dseeˆ quiíˆna' lana, joba' nicajáangˆ' yaangˆna' e nijméeˆna' jmangˆ' lajííˆ' e guiúˆ'. ¹⁹Jo nifáˆ'a e júúˆ la cóoˆ' júúˆ e féˆ' doñíˆ iˆ dseá jmigüüˆ' e laco' ningángˆ'na' røø e júúˆ la, co' fíng jaˆ nijmeeˆ e lajo, huñimˆ'jiu lííˆ quiíˆna' e ningángˆ'na'. Co' 'núˆ', ieˆ lamíˆ jééngˆgui do, dseángˆ' cajáangˆ' yaangˆna' e cajmeeˆna' jmangˆ' jaléˆ' e 'líˆ' e jaˆ dseengˆ; jo dsu' lajob lana cajo 'néˆ' e nijáangˆ' yaangˆna' fíˆ jaguóˆ Fidiéeˆ e laco' nijméeˆna' jmangˆ' lajííˆ' e guiúˆ' e iingˆ dseá do e nijméeˆna'.

²⁰Jo lajeeˆ e silííˆ' 'núˆ' jaléˆ' dseeˆ quiíˆna', jaˆ cajáangˆ' yaangˆna' fa' e cajméeˆna' lajííˆ' e iingˆ Fidiéeˆ. ²¹Jo jííˆ' cooˆ' e guiúˆ' cadséˆ'na' quiáˆ' jaléˆ' e jaˆ dseengˆ e cajméeˆna' ieˆ lamíˆ jééngˆgui do, co' lanagui ni'íˆ' líimˆba' cuaiñˆ quiáˆ' jaléˆ' e jo. Co' miˆ jmoóˆ dseá jaléˆ' e jo, jííˆ' fíˆ 'móbˆ' siˆ'. ²²Dsu' lanagui joˆ silííˆ'gui

quiíˆna' jaléˆ' dseeˆ, co' lanagui nicajáangˆ' yaangˆna' fíˆ jaguóˆ Fidiéeˆ. Jo co' lajob nicajmeeˆna', joba' lana dseángˆ' jmangˆ' lajííˆ' e guiúˆ' e iingˆ Fidiéeˆ nijmoóˆna' jogui e niliseengˆna' cøøngˆ cóoˆ' dseá do carˆ ngongíˆ jmiíˆ. ²³Jo lajob lííˆ, dseángˆ' jííˆ' 'móˆba' íngˆ' dseá miˆ éerˆ dseeˆ. Jo dsu' la'eáangˆ e eáangˆ 'neáangˆ Fidiéeˆ jneaaˆ'aa', joba' cacuøˆ' e íaangˆ dsíirˆ e niliseeˆnaa' cøøngˆ cóoˆ' Fíiˆnaa' Dseá Jmáangˆ' carˆ ngongíˆ jmiíˆ .

Júúˆ quiúˆ' taˆ quiáˆ' dseá sicúngˆ' guóˆ

7 Jo jaléngˆ' 'núˆ', dseá rúˆ'naa' dseá quiáˆ' Dseá Jmáangˆ', nicuúíˆba' røø jial lííˆ jaléˆ' júúˆ quiúˆ' taˆ quiáˆ' Fidiéeˆ, jogui niñíˆ'biˆ cajo e e júúˆ quiúˆ' taˆ do quiúˆ' taˆ dseá jííˆ' lajeeˆ e seengˆ dseá fíˆ jmigüüˆ'. ²Co' faco' jaangˆ dseam̄ cacúngˆ' guorˆ, joba' dseángˆ' jaˆ cuøøngˆ fa' e nitiúuiñˆ i dseañuˆ' quiáˆ'rˆ do lajeeˆ e seeiñˆ do fíˆ jmigüüˆ', co' lajob féˆ' e fíˆ niˆ e júúˆ quiúˆ' taˆ do. Jogui fíng song cajúngˆ i dseañuˆ' do, joba' i dseam̄ do joˆ catfíngˆ fa' e nijmitíˆguir laco' féˆ' e fíˆ niˆ júúˆ quiúˆ' taˆ do cuaiñˆ quiáˆ' dseá sicúngˆ' guóˆ. ³Jo song i dseam̄ do 'léerˆ' e güiñˆ cóoˆ' dseañuˆ' i jiéngˆ' lajeeˆ e seemˆbi i dseañuˆ' quiáˆ'rˆ do, joba' dseebˆ éerˆ jóng fíˆ quiniˆ Fidiéeˆ. Jogui song cajúngˆ i dseañuˆ' quiáˆ'rˆ do, joba' joˆ catfíngˆguir fa' e nijmitirˆ laco' féˆ' e fíˆ niˆ júúˆ quiúˆ' taˆ do cuaiñˆ quiáˆ' dseá i sicúngˆ' guóˆ. Joba' jaˆ dseeˆ ni'érˆ fíˆ quiniˆ Fidiéeˆ song nicuúíñˆ guoorˆ cóoˆ' i dseañuˆ' i jiéngˆ' do.

⁴Jo lajob líí' cōo'~ jaléng' 'nú', dseà rú'naa' dseà quiá'~ Dseà Jmáang~, cō' la'eáang' cōo'~ e cajúng~ Dseà Jmáang~ fí' dse' crúu^ do, líí' lafa' e cajúm~ 'nú' cajo. Jo lana jò quiu'gui ta~ 'nú' e júu^ quiu' ta~ quiá'~ Fidiéé' do. Jo calí' lajo e laco' nilíng'na' dseà quiá'~ Dseà Jmáang~. Jo cō' dseà quiá'~ i dseà i cají'tu calé' catú~ nilíng'na', joba' lajii'~ e iing~ Fidiéé' nijmoo'na' lana. ⁵Jo ie~ lami~ jmití'naa' jalé' e ja' dseeng' e lí' dsii' ngúu' táang'naa', e júu^ quiu' ta~ do cali'íng^ ta~ e laco' eáang'gui lí' dsi'naa' e nijmó'naa' jalé' e ja' dseeng' do. Jo jalé' e jo dseáng'~ jii'~ fí' 'mób' si'. ⁶Jo dsu' lana jò quié'gui nifí' quí'ii' lajii'~ e fé' e júu^ quiu' ta~ do, cō' nilíng'naa' lafa' dseà i sijúum~, cō' jò silíi'gui jneaa'aa' jalé' dsee~ quí'ii'. Jo cō' lajob nilíí', joba' lana fí' 'míib~ nitéé'naa' e nijmoo'naa' la'eáang' cōo'~ Jmiguí' quiá'~ Fidiéé' lajii'~ e iing~ Fidiéé' e nijmó'oo', jo o' la'eáang' cōo'~ e júu^ yúu' quiu' ta~ do.

Lajii'~ dsee~ e sea` quié~ e

⁷Jo e laba' iin~n fíi' i 'nú', dseà rú'naa' dseà quiá'~ Dseà Jmáang~, e o' dsee~ e júu^ quiu' ta~ do. iCō' dseáng'~ o' lajo! Dsucō' facō' mĩ' ja' mĩ' sea` e júu^ quiu' ta~ do, joba' ja' tōo' jmií~ caliñi' jnea~ jóng e eé' dsee~. Cō' mĩ' cajme' jnea~ júu^ e júu^ quiu' ta~ do mĩ' fé' lala: "Ja' jmoo' e lí' o' jalé' e sea` fí' jmigüí'", joba' la'eáang' cōo'~ e júu^ jo caliñi' jnea~ e lí' dsii' jalé' e sea` fí' jmigüí'. ⁸Jo la'eáang' cōo'~ e júu^ quiu' ta~ do cali'íng^ ta~ e laco' jnea~ caliñií' e eáam' ee~ dsee~ fí' jmigüí' la uíi'

e eáang' lí' dsii' jalé' e sea` fí' jo. Dsu' mĩ' ja' sea` júu^ quiu' ta~, joba' ja' lí' dseà e éer' dsee~ jóng. ⁹Jo nú'gui e ningán'n lajii'~ ta~ huí' quiá'~ e júu^ quiu' ta~ do, lín~n e seen~ juguiá~ júu^ røøb'. Jo dsu' mĩ' cangán'n røø lajii'~ e júu^ jo, joba' eáang'gui casi' fí' quié~ e jóng e iin~n ni'ee' e dsee~, jogui e jii'~ 'mób~ nisijéé' quié~ e uíi'~ e jmóo'o jalé' e jo. ¹⁰Jo lajob calí, cō' e júu^ quiu' ta~ do e lami~ lín~n e si'í' e nijmicōo'~ jnea~ e laco' jial niliseen~ juguiá~ júu^ røø, dsu' ja' calí' lajo, cō' ca'léeb' quié~ e lafa' cajúm~baa uíi'~ jalé' dsee~ e ca'ee' do. ¹¹Dsucō' la'eáang' cōo'~ e júu^ quiu' ta~ do cali'íng^ ta~ e laco' jnea~ caliñií' e jmigóob' jalé' dsee~, cō' dseáng'~ jii'~ fí' 'mób' si'.

¹²Joba' fíi' i 'nú', dseà rú'naa', e güeam'^ jalé' e júu^ quiu' ta~ do, jogui lajob líí' cajo lacoø' e júu^ ta~ huí' do, jogui røøb' quiu' ta~ quiá'~ dseà, jogui quiu' bi' cajo. ¹³Cō' e laba' líí' e lí'^ laco' calili' e dseáng'~ lajam'^ba' líí' dsee~ jalé' dsee~ quié~ e. Jo e dsee~ quié~ e do cajmeáng' ta~ e júu^ ta~ huí' quiá'~ Fidiéé' do e laco' casing' jnea~ fí' 'mó'. Jo lajoba' la'eáang' cōo'~ e júu^ ta~ huí' do caja' júu^ e dseáng'~ lajam'^ba' 'lí' jalé' dsee~ quiá'~ dseà.

¹⁴Jo nine~baa' røø' e Fidiéé'bing' cacuø' e júu^ quiu' ta~ do, jo dsu' jnea~gui lín'n jii'~ dseà jmigüí'b, jogui jaang' i jmiti' lajii'~ ta~ quiu' dsee~ quiá'~. ¹⁵Jo jii'~ 'niá'a' ja' ngán'n eé' jalé' e jmóo'o, dsucō' ja' jmóo'o jalé' e iin~n 'niá'a', cō' jalé' e 'ní' máam'baa, e joba' jmóo'o. ¹⁶Jogui song jmóo'o jalé' e ja' iin~n

jmeẽe do, joba' cõo' e jo cuøø li e eáam' guiú' e júu' quiú' ta' do. ¹⁷Jõ lajob líí, dsucõ' õ' 'niá'a dseá jmóo' jalé' e ja' dseeng' do, dsucõ' dsee' quié'baa e quiú' ta' e jmóo'õ jalé' e jo. ¹⁸Cõ' nicuúim' 'niá'a e dseá dsee' dseá quib' líin'n, joba' jii' cõõ' e guiú' lí'i jmeẽe nañi' fa' eáam' iin'n e nijmee' e jalé' e guiú', lifa' dseáng' ja' lí'i e nijmee' e jalé' e jo. ¹⁹Dsu' ja' jmóo'õ jalé' e guiú' e iin'n jmeẽe, cõ' jmang' jalé' e ga' e ja' iin'n jmeẽ'baa, dseáng' e joba' jmóo'õ. ²⁰Jõ song jmóo'õ jalé' e ja' iin'n jmeẽe do, joba' õ' 'niá'a dseá jmóo'õ jalé' e jo, dsucõ' dsee' quié'baa quiú' ta' jnea' e jmóo'õ jalé' e lajo.

²¹Joba' nicalilí'i e nañi' fa' iim'baa jmeẽe jalé' e guiú', dsu' jmang' jalé' e ga'ba' lí'i jmóo'õ. ²²Dsucõ' eáam' iin'n e nijmitii' jalé' júu' quiú' ta' e cajme' Moi'; ²³lifa' e dsee' quié'e do eáam' quiú' ta' jnea' jogui eáam' silíi' jnea' cajo, cõ' 'ní' níim' rúng' cõo' lajii' e i' dsii' e iin'n nijmee'e.

²⁴Ie ngi' fíib' jnea' ði' i nileáng' jnea' jee' jalé' dsee' quié'e e laco' ja' nijúun' n uú'i' e jo? ²⁵Jõ dsu' jnea' í' dsii' e nijmitii' e júu' quiú' ta' do, dsu' jnea', dseá dsee' dseá quib' líin'n, joba' ja' lí'i e nijmee' e lajo, cõ' dsee' quié'baa quié' nifí' quié'e. Jõ lajob líí, lifa' gui'máang' Fidié'e e nicaléaain' jnea' jee' jalé' e jo la'eáang' cõo' Fii'naa' Dseá Jmáang'.

Jial seeng' dseá e Jmiguí' quiá' Fidié'e quié' nifí' quiá'r'

8

Jõba' fii'guí' 'nú', dseá rú'naa' dseá quiá' Dseá

Jmáang', e lajaléng' jnea'aa', dseá líí'naa' dseá i seeng' cõong' cõo' dseá do, jo' qui' jmií' fa' e cuøø'gui dseá dsee' jnea'aa'. ²Jõ lajob nilíí'naa', cõ' e bí' 'gõng' quiá' Jmiguí' quiá' Fidié'e cõo' e cuøø' e see'naa' cõong' cõo' Dseá Jmáang', e joba' e nicaléaang' jnea'aa' jee' bí' quiá' dsee' jogui jee' bí' quiá' 'mó' cajo. ³Jõ e júu' quiú' ta' do ja' caquii' jmií' fa' e caleáang' jnea'aa' jee' bí' quiá' dsee' quí'ii'. Cõ' e júu' jo' ja' seá bí' quiá' fa' e cajmée' lajo uú'i' e quiú' ta' quiá' dseá i líing' dseá dsee' dseá qui'. Jõ dsu' lana Fidié'e nicajmée'bre jalé' e ja' caquii' jmií' cajmée' e júu' do. Cõ' nicasii' i Jõõr' camíing' do e líin' do jaang' dseá jmigú' i sea' ngúu' táang' la jnea'aa'. Jõ cajmée' Fidié'e lajo e laco' cajáin' i Jõõr' do e cajúin' do fí' dse' crúu', jo' lajoba' ca'íin' congua' e bí' quiá' jalé' dsee' quiá' dseá jmigú'. ⁴Jõ cajmée' Fidié'e lajo e laco' jnea'aa' quí'naa' jmií' e nijmití'naa' laco' catíing' e júu' quiú' ta' do. Cõ' jo' see'naa' fí' jmigú' la e jmoo'guí' jalé' e lí' dsii' ngúu' táang'naa', dsu' lana nísee'naa' e nijmoo'naa' lí' laco' la iing' Jmiguí' quiá' Fidié'e e nijmó'naa'.

⁵Jõ jaléng' dseá i seeng' e guuing' dsíir' lajii' e lí' dsii' ngúu' táain' lico' seein' e jmitir' dseáng' lajii' e job' dseáng'. Jõ dsu' jaléng'gui dseá i seeng' lí' laco' la iing' Jmiguí' quiá' Fidié'e e seein', joba' dseáng' jii' e iing' e Jmiguí' do guuing' dsíir' e jmóor'. ⁶Jõ dseáng' jii' fí' 'mób' dseáng' si' quiá' jaléng' dseá i jmóo' lajii' e lí' dsii' ngúu' táain'. Jõ dsu' jaléng'gui i

jmóo lajii~ lí^ laco' la iing~ Jmiguí' quíá~ Fidiée~, joba' jaléng^ í^ juguiá~ júu^ røb^ niliseeiñ^ lata~ cóo~ Fidiée~. ⁷Jo jaléng^ dseá i guing~ dsíí' e iin~ jmér~ lajii~ e lí dsíí' ngúu^ táaiñ~, joba' i dseá í^ 'ní^ níim~bre Fidiée~, dsuco' ja' iin~ o'gui quíí~r~ jmií~ fa' e nijmér~ núú~r~ lajii~ júu^ quiú' ta~ quíá~ dseá do. ⁸Có' jaléng^ dseá i jmiti~ lajii~ ta~ quiú' e lí dsíir' yaaiñ~ ja' quíí~r~ jmií~ fa' e nili'íáang^ dsíí' Fidiée~ cóo~r~.

⁹Jo dsu' 'nú'gui, dseá nilíng^na' dseá quíá~ Dseá Jmáang~, jo seeng^na' fa' e jmiti'gui' lajii~ e lí óo'na' yaang~na', có' lana niseeng^na' e nijmoo'na' lajii~ e iing~ Jmiguí' quíá~ Fidiée~ e nijmée'na'. Jo líí lajo, có' seeng^ Jmiguí' quíá~ Fidiée~ cóo~ 'nú'. Jo i dseá i seeng^ e ja' seeng^ Jmiguí' quíá~ Dseá Jmáang~ cóo~r~, joba' i dseá í^ ja' líiñ^ dseá quíá~ dseá do jóng. ¹⁰Jo ja' eè líí' e nisi'fing^ e ni'fing~ ngúu^ táang^na' mi~ nití' í' e nijúung~na' uíí' e líng^na' dseá dseé~ dseá qui', dsuco' seem^ Dseá Jmáang~ cóo~ 'nú', jogui seem^ jmiguí' quíí~na' cajo. Jo líí lajo uíí' e nica'ím' Fidiée~ 'nú' e nilíng^na' dseá i ja' røng^ dseé~ fí' quini~r~.

¹¹Jo la'eáang^ cóo~ Jmiguí' quíá~ Fidiée~ cajmээр e cají~tu Jesús mi~ cangí e cajúñ~. Jo e Jmiguí' job cajo seeng^ cóo~ 'nú' lana, joba' ñiab' Fidiée~ nijmér~ e nijí~tu 'nú' calé' catú~ mi~ nití' í' lajo. Jo nijmér~ lajo cóo~ 'nú' la'eáang^ cóo~ Jmiguí' quíá~r~ e seeng^ cóo~na' lana.

¹²Jo lajob líí, dseá rú'naa' dseá quíá~ Dseá Jmáang~, dseáng~ lajam'ba' 'né' e seé~naa' e

jmoo'naa' lajii~ e iing~ Jmiguí' quíá~ Fidiée~ e nijmó'oo', jo dseáng~ ja' catíng~naa' e nijmó'guí' lajii~ e lí dsi'naa' yee~naa'. ¹³Jo dsu' song mi' 'noo'bi' seeng^ 'nú' e jmoo'na' lajii~ e lí óo'na' yaang~na', joba' dseáng~ conguiab' jóng ni'náng^na' cóo~ Fidiée~. Jogui dsu' song la'eáang^ cóo~ Jmiguí' quíá~ Fidiée~ niquiung^na' conguiá' e jmoo'na' jalé' e jo, joba' latab~ niliseeng^na' cóo~ Fidiée~ jóng.

¹⁴Jo jaléng^ dseá i seeng^ e Jmiguí' quíá~ Fidiée~ quié' nifí' quíá~r~, joba' í^bing^ dseáng~ lí líng^ jóo' Fidiée~. ¹⁵Dsuco' Fidiée~ nicacuø' 'nú' Jmiguí' quíá~r~ e laco' ni'uúing~na' jóo' jo o' laco' e nilíí~tu 'nú' cóo~ jalé' e 'gó'na' contøng~. Dsuco' la'eáang^ cóo~ e Jmiguí' quíá~ Fidiée~ do seé~naa' e cuøng^ lí sií~naa' cóo~r~ jogui e sií~naa' lala: "íTeaa'!" ¹⁶Jo e Jmiguí' quíá~ Fidiée~ do røb^ síng^ cóo~ jmiguí' quí'ii' e laco' nita~ dsi'naa' e dseáng~ ja'ba' e nilíí~naa' jóo' Fidiée~. ¹⁷Jo uíí' e dseáng~ nilíí~naa' jóo' Fidiée~, joba' ni'íim~baa' jalé' e catí~naa' e si'í' nicuø' jaléng^ jóo' lí' laco' jii~ júu^ e nicacuø' lamí~ jeéng^gui. Jo jalé' e jo conrøb~ quí'ii' cóo~ Dseá Jmáang~ song dseáng~ lajang^ ni'fing^naa' jalé' iihuí' uíí' e líí~naa' dseá quíá~r~. Jo song nijmé~naa' lajo, joba' conrøb~ niliseé~naa' cóo~r~ fí' lí~ niing~ 'gøiñ' mi~ nití' í' lajo.

**Eáam' jlo^ jalé' e
niñíng^na' quíá~ Fidiée~**

¹⁸Jo fíí~guí' 'nú', dseá rú'naa' dseá quíá~ Dseá Jmáang~, dseáng~ nitab~ dsii' e lajalé' iihuí' e

dsingíng̃naa' lajeẽ lana fí jmigüí' la ja eè tí' song nicøng̃naa' cóo' mĩ tí lĩ niliseẽnaa' cøng̃ cóo' Fidiéẽ fí ñiff̃ quiá'r̃. ¹⁹ Jo lajalé' e cajméẽ Fidiéẽ dseáng' eáam' nisijeeng̃ e jmiĩ e nijmijnéeng̃ Fidiéẽ jaléng' dseá quiá'r̃ i líng' jóor'. ²⁰⁻²¹ Jo ni'íim̃ lajalé' e sea fí jmigüí', co' jmang' e cuøng̃ ni'íim̃ ba' sea. Jo líí lajo dsu' ofa' e lajo iing̃ e líí, co' líí lajo uíi' e lajo cali'ing̃ Fidiéẽb̃. Jo ja eè líí lĩ líí lajo, co' nitab̃ dsíí e jmang' jalé' e 'mĩ e jlo' niing̃ nilisea' iẽ jo líí laco'gui nilíng̃ jaléng' dseá quiá'r̃ Dsea Jmáang̃. ²² Jo guiúb̃ nine'ee' e cartí lanab lajalé' e cajméẽ Fidiéẽ e sea fí jmigüí' eáam' quié̃ iihuíf̃ jogui dsíng' seáang̃ dsíí cajo dsu' uíi' e nisijeeng̃ e nileáng̃ jeẽ jalé' iihuíf̃ líí laco' líí cóo' jaang̃ dseam̃ i tí lĩ niliseeng̃ jiuung̃ quiá'r̃. ²³ Jogui o' jíi' e sea fí jmigüí' dsingíng̃ lajo, co' lajob dsingíng̃ jneaa'aa' cajo, dseá nicangíng̃naa' Jmiguí' quiá'r̃ Fidiéẽ jéeng̃gui e laco' cuø' lĩ quiá'r̃ jalé' e niñíng̃naa' cøng̃gui. Jo dseáng' eáam' nisijeeng̃naa' iẽ jmiĩ mĩ dseáng' ni'íng' Fidiéẽ jneaa'aa' e líínaa' dseáng' jóor'. Jo iẽ jo nileáiñ̃ jneaa'aa' congua', co' nijmisíim̃ bre jialco' líí ngúu' táang̃naa'. ²⁴ Jo co' nicalaam̃ baa' jeẽ jalé' dseẽ quí'ii', joba' nitab̃ dsí'naa' e ni'íim̃ baa' lajíi' e nisijeeng̃naa' do e catíi'naa' quiá'r̃ Fidiéẽ. Jo song nijóø̃ baa' lajíi' e nisijeeng̃naa' do, joba' jo eè ta'gui jóng e sijeeng̃guí' e jo. Co' doñí eè e niní' dsea, jo 'né'gui fa' e nijéng̃guir e ni'íñ' e jo. ²⁵ Jo co' ja mĩ jóø̃ guí' lajíi' e nisijeeng̃naa' e

ni'íng'naa' quiá'r̃ Fidiéẽ do, joba' 'né' e dseáng' ja' nilitúng̃ dsí'naa' e sijeeng̃naa' e jo.

²⁶ Jogui e Jmiguí' quiá'r̃ Fidiéẽ e nicangíng̃naa' do, e joba' e jmicóo' jneaa'aa' uíi' e ja quí'naa' jmiĩ jmé'naa' yee'naa'. Co' faco' mĩ ii'naa' siing̃naa' cóo' Fidiéẽ, ja quí'naa' jmiĩ jmé'naa' laco' síí'. Joba' e Jmiguí' quiá'r̃ Fidiéẽ e seeng̃ cóo' jneaa'aa' do, e joba' e mĩ uíi' quí'ii' laco' síí' fí quini' Fidiéẽ. Jo jmóo' lajo dseáng' e jíi' ja sea júu' jial nífé' e mĩ uíi' quí'ii' e Jmiguí' do. ²⁷ Jo Fidiéẽ bing' dseáng' i niñí' jialco' jíi' í' dsíí' lajaang̃ lajaang̃ dsea, jogui niñí' bre guiúb̃ cajo e jmi'ee' mĩ e Jmiguí' quiá'r̃ do. Co' e Jmiguí' do mĩ jmi'ee' uíi' quiá'r̃ lajaléng' dseá quiá'r̃ Fidiéẽ líí jialco' la iing̃ dsea do 'ñia'r̃ e nilí'.

Dseáng' lí' baa' jeẽ jalé' iihuíf̃

²⁸ Jo guiúb̃ nine'naa' e lajaléb' e dsingí'naa' fí jmigüí' la, jmóo' Fidiéẽ lajo e laco' ni'uíng̃ guiúb̃ quí'naa', dseá líínaa' dseá quiá'r̃ i 'neáang̃ ír'. Co' dseá do nicaguíñ̃ jaléng' jneaa'aa' e laco' nijmó'naa' jialco' iĩñ̃ 'ñia'r̃ e ni'uíng̃. ²⁹ Jo lajíi' latí' mĩ uing̃ niñí' Fidiéẽ i jaléng' i nilíng̃ dseá quiá'r̃. Jo lajíi' latí' iẽ jo cajo cali'iĩñ̃ e lajaléng' í' ni'uíñ̃ dseáng' laco' líng' i jóor' Dsea Jmáang̃ do, jo lajoba' i jóor' camíng̃ do ni'uíñ̃ jaang̃ i niing̃gui jeẽ lajaléng' i rúñ̃ do. ³⁰ Jo jaléng' dseá i nisí'íng̃ quiá'r̃ Fidiéẽ jíi' latí' mĩ uing̃ do, nicató' bre jaléng' í' e laco' ni'uíñ̃ do dseá quiá'r̃. Jo jaléng' dseá i nicató'r̃ do

nica'ingl'neiñ e nilíiñ' dsea ì ja røøiñ' dsee' fí' quindir'. Jogui jaléng' í' nicangíiñ' quiá' dsea do e nicuøøng' e niliseeiñ' cóo' dsea do fí' ñiff' quiá'r' fí' lí' niing' 'gøiñ'.

³¹ Jo co' lajob líí', joba' ze' cuøøng' lí' fé'gui jóng? Jo co' Fidié'bing' ì sing' uii' quí'ii', joba' jíí' jaang' jo' ii' quíí'gui jmií' nijme' guiáa' jneaa'aa'. ³² Jo Fidié' ja' ca'áaiñ' í', co' cacuøøm'bre ì Jóor' Dsea Jmáang' do e laco' cajáin' e cajúin' do fí' dse' crúu' uii' quí'ii', dsea líí'naa' dsea quiá'r'. Jo co' lajob cajméer', joba' lana cuøøng' lí' fé'ee' e nicuøø'bre cajo e íaang' dsíir' lajalé' e 'né'naa'. ³³ Jo jaléng' jneaa'aa', dsea ì nicaguíng' Fidié', jíí' jaang' cuøøng' lí' cuøø'gui jneaa'aa' dsee' fí' quindir'. Co' ñiab' Fidié' dsea nica'íñ' jneaa'aa' e laco' lana nilíí'naa' dsea ì ja røøng' dsee' fí' quindir'. ³⁴ Jo uii' e nilíí'naa' lajo, joba' jo' ii' quíí'gui jmií' fa' ì nijmi'náng'gui jneaa'aa' cóo' Fidié'. Co' Dsea Jmáam'bing' ì cajúng' fí' dse' crúu' uii' dsee' quí'ii', jogui dsea' íb' cajo ì cají'tu calé' catú' mĩ' cangf' jo; jo dsu' lana dob niguiñ' fí' ñiff' lí' lí' dsée' laco' guing' Tiquiá'r' Fidié' e mir' uii' quí'ii', dsea líí'naa' dsea quiá'r'. ³⁵ Joba' lana dseáng' nitab' dsi'naa' e jíí' jaang' o'gui jíí' cóo' cuøøng' lí' jníng' quí'ii' e 'neáang' Dsea Jmáang' jneaa'aa' nañí' fa' e íng'naa' iihuí' osi e huíng' dsijée' quí'ii' é, osi e jmáng' dsea jneaa'aa' ga' dsu' uii' e líí'naa' dsea quiá'r' Dsea Jmáang' é, osi e ja' ga' lí' sea' e quie'naa' é, osi e nijngám'bi dsea jneaa'aa' é. Jo lajalé' e na jíí' cóo' cuøøng' lí' jníng' e 'neáang'

Dsea Jmáang' jneaa'aa'. ³⁶ Jo dseáng' lajob líí' lí' laco' fé' fí' ní' jí' quiá' Fidié' lí' fé' lala:

Jo uii' e líí'naa' dsea quií' joba' contøøm' dseáng' see' naa',

co' gab' jmáng' dsea jneaa'aa' lí' laco' la dsingíng' jaang' jo'se' ì tí' lí' nijngáng' dsea.

Jo lanab fé' júu' quiá' Fidié'.

³⁷ Jo lajaléb' e dsingí'naa' lajee' see'naa' fí' jmigüí' la ja' jmóo' guiáa' jneaa'aa', co' Dsea Jmáam'bing' ì jmicóo' jneaa'aa' uii' e eáang' 'neáaiñ' jneaa'aa'. ³⁸⁻³⁹ Joba' fíí' í' 'nú', dsea rú'naa', e dseáng' lajam' nita' dsii' e jíí' cóo' quíí' jmií' e nijmi'náng' jneaa'aa' e eáang' 'neáang' Fidié' jneaa'aa'; co' ja' quíí' jmií' jmé' lajo 'mó', o'gui jalé' e dsingíng'naa' lajee' see'naa', o'gui jaléng' ángeles quiá' Fidié', o'gui jalé' guí' e íí' fí' guiá' güí', o'gui jalé' e dsingí'naa' lajee' lana osi lí' dsé'gui é, o'gui jalé' e sea' fí' yú' jmigüí', o'gui jalé' e sea' fí' nú' uø', o'gui lí' doñí' ee' e cajmée' Fidié' e sea' fí' jmigüí'. Co' jíí' cóo' ja' cuøøng' fa' e nijmé' e ni'náng'naa' e eáang' 'neáang' Fidié' jneaa'aa'. Jo e jo nicajmitar' dsi'naa' la'eáang' cóo' Fíí'naa' Dsea Jmáang'.

Mĩ' caguíng' Fidié' dsea Israel e ni'uúíñ' dsea quiá'r'

9 Jo fíí' guíí' 'nú', dsea rú'naa', e dseáng' júu' jáb' fá' jnea' la, co' dsea quiá' Dsea Jmáam' líin'. Jogui e Jmigüí' quiá' Fidié' e quie' níff' quiá' jalé' e í' dsii', e joba' tíí' ní' e dseáng' ja' fá' baa júu' ta' júu'. ² Jo dseáng' eáam' líjiuung' dsii' jogui dseáng'

contøøng̃ e cu^l dsiĩ jaléng^l dseà góo^o dseà Israel. ³Co^l jnea^l jì^ggui cartí^l iiñ n e s^lliñⁿ fí^l quini^l Fidiée^l e laco^l s^lnaañ còo^l Dseà Jmáang^l e faco^l lajogui e nilí^l i e nijmicòo^l jaléng^l i dseà góo^o do e laco^l ja^l nilíⁿ iihuí^l uí^l jalé^l dsee^l quiá^r. ⁴Jo dseà siju^l dseà Israel líing^l jaléng^l í^l lí^l laco^lgui la líing^l jnea^l cajo. Jo Fidiée^l bing^l i nicaguíng^l jaléng^l jnea^l e laco^l nica^luíng^l naa^l dseáng^l jóor^l. Jo contøøng̃ caliséng^l Fidiée^l fí^l jee^l jaléng^l dseà áang^l qui^l ii^l e jmiñeéiñ^l jial tíi^l jlo^l líiñ^l còo^l jalé^l e qui^l r̃ jmi^l jmóor^l. Jogui cajmiròr̃ júu^l còo^l jaléng^l i dseà í^l, jogui cacuø^l bir cajo júu^l quiú^l ta^l quiá^r. Jogui cajím^l bir jial 'né^l e nijmiféiñ^l do í^r laco^l catíing̃, jogui cajím^l bir cajo ie^l jo e nicuø^l breiñ^l do lajee^l ngóo^lguijju jalé^l e catíiñ^l lí^l laco^l júu^l e nicacuø^l reiñ^l lami^l jééng^l gui. ⁵Jo jaléng^l i dseà í^l, dseà siju^l 'lii^l dseà cøøng^l quié^l baa líiñ^l. Jo Dseà Jmáang^l fí^l jee^l job cagüi^l fir̃ cajo ie^l lami^l cajár^l fí^l jmigüi^l la e líiñ^l jaang^l dseà jmigüi^l. Jogui Dseà Jmáang^l Fidiée^l líiñ^l cajo i quié^l nifí^l quiá^r lajalé^l e sea^l fí^l la'úng̃ fí^l jmigüi^l. Jo co^l lajob líiñ^l, joba^l contøøm̃ 'né^l e nijmiféng^l naa^l re. Jo lajob 'né^l lí^l.

⁶Dsu^l ofa^l cajé^l e ja^l cajmiti^l Fidiée^l lajii^l júu^l quiá^r e cacuø^l r̃ dseà Israel; co^l cajmiti^l bre jalé^l e júu^l jo, lifa^l e ja^l lajiing̃ dseà siju^l dseà Israel dseáng^l já^l líiñ^l dseà quiá^r Fidiée^l. ⁷Jogui o^l lajiing̃ dseà siju^l 'lii^l yúu^l Abraham líiñ^l dseáng^l jóo^l dseà do, dsuco^l lami^l jééng^l gui lalab casí^l Fidiée^l i 'lii^l yúu^l Abraham do: “Jaléng^l

dseà i dseáng^l já^l i nilíng̃ siju^l niliseeíñ^l la'eáang^l còo^l jóo^l i sii^l Isáa.” ⁸Jo uí^l e júu^l na, joba^l lana cuøøng̃ fe'ee^l e o^l lajaléng^l dseà siju^l 'lii^l yúu^l Abraham dseáng^l já^l líiñ^l jóo^l Fidiée^l, co^l dseáng^l o^l lajo. Dsuco^l lajii^l dseà i seeng̃ i já^l líing̃ lajii^l júu^l e cacuø^l Fidiée^l i 'lii^l yúu^l Abraham do lami^l jééng^l gui, lajii^l í^l bing^l i dseáng^l já^l líing̃ jóo^l Fidiée^l. ⁹Dsuco^l e lab júu^l e cacuø^l Fidiée^l i 'lii^l yúu^l Abraham do lami^l casí^r lala: “Coo^l lajee^l lana, lajee^l jii^l nilí^l, nigáa^l túu^l, jo i dseam̃ quií^l i sii^l Sara niliseeng^l jaang^l yuu^l siñuu^l quiá^r.”

¹⁰Dsu^l o^l jii^l e jo, co^l lajob cajméer̃ cajo còo^l i dseam̃ i sii^l Rebeca do i caliséng^l jiuung̃ suung̃ quiá^r. Jo i tiquiá^l i jiuung̃ í^l, íb^l i líing̃ 'lii^l yúu^l qui^l ii^l i sii^l Isáa. ¹¹⁻¹³Jo nú^l gui e niliseeng^l i jiuung̃ dseà suung̃ do, lajee^l e nú^l gui e ja^l mí^l cajméeeiñ^l do jii^l coo^l e guiú^l osi e ja^l dseeng̃ é, jo lajii^l latí^l ie^l job cajíng^l Fidiée^l lala e casí^r i Rebeca do: “I jiuung̃ dseà suung̃ i niliseeng^l quií^l nifí^l, í^l bing^l i nijmé^l ta^l quiá^r i jiuung̃ i niliseeng^l cøøng̃ guijju do.” Jo røøb^l cøøng̃ e júu^l na lí^l laco^l la fé^l Fidiée^l fí^l ni^l ji^l quiá^r lí^l fé^l lala: “Jo eáang^l cajmi^l neáang^l jnea^l i Jacóo^l do, dsu^l ja^l cajmée^l e lajo còo^l i Esaú do.” Jo còo^l e júu^l na jmita^l dsí^l naa^l e 'ñiab^l Fidiée^l sea^l fí^l quiá^r e niguíñ^l dseà i iñ^l i ni^l úíng̃ dseà quiá^r lí^l laco^l iñ^l e nijméiñ^l do, jo ja^l e líí^l su nicajméer̃ e guiú^l osi e ja^l mí^l cajméer̃ lajo é.

¹⁴Jo uí^l jalé^l e na ja^l cuøøng̃ lí^l fe'ee^l fa^l e Fidiée^l ja^l fir̃ í^l røø^l laco^l catíing̃, ico^l dseáng^l o^l

lajo! ¹⁵Co' lalab cajíng' Fidiéé ie~ malíi'gui do, ie~ lami' casí'r~ Moi~ lala: "Guiúm~baa nijmee~e cóo'~ lajaléng' dseà ì iin~n nijmee~e cóo'~ lajo, jogui nilí'b' fí' lín~n cajo cóo'~ jaléng' ì iin~n ì nijmee~e cóo'~ lajo."

¹⁶Jo lajob líí, co' 'ñiab' Fidiéé ì fí' líng~ dseà lí' jialco' iin~ e nijmér~ cóo'~ lajaang~ lajaang~ dseà. Co' ja jmóor~ jialco' iing~ dseà o'gui jialco' bí' cuø' yaang~ dseà cajo.

¹⁷Jo lanab líí e júu' na lí' laco' la fé' fí' ní' jì' quiá' Fidiéé lí' sí'r' ì dseata~ dseà féng' quiá' Egipto ie~ malíi'gui do, ie~ lami' cajíñ' lala: "Cacuøø~ø 'nu' e lin' dseata~ dseà féng' e laco' nilíñi' dseà fí' la'úng~ fí' jmigüí' jial tíi' e 'gøng' jnea~, jogui e nilíñi' dseà cajo e jíi' jneab~ lín'n Fidiéé quiá' lajaléng' dseà ì seeng' fí' jmigüí'." ¹⁸Jo lajob líí, co' Fidiéé fí' lím~bre jaléng' dseà ì iin~ nijmér~ cóo'~ lajo, jogui jmóo'bir cajo e ue' dsíí' jaléng' ì dseà ì ja' iing~ ninú' júu' quiá'r'.

¹⁹Jo uíi' e júu' na, joba' cuøøm~ seà lí' jmingí' 'nu' jnea~ lala: "¿Jialí' cuø' Fidiéé jnea~aa' dsee~ cóo'~ jalé' dsee~ e ee~naa'? Co' jíi' jaang~ cuøøng' lí' jning~ jalé' e iing~ dseà do e nijmér~." ²⁰Jo dsu' jnea~ fí' ì 'nu', dseà lin' jíi' dseà jmigüí', e ja' seà fí' quíi' fa' e nifí' Fidiéé e~ uiing~ seà quiá' jalé' e jmóor'. Cofa' cóo' tu' ja' fí' seà quiá' fa' e nisí' ì dseà ì cajmée' do: "¿Jialí' cajmeaan' jnea~ lala?" ²¹Co' ì dseà ì jmóo' tu' do seab' fí' quiá'r' e nijmér~ doñi' eè' iin~ cóo'~ e guóo' e jmáin' ta~ do. Co' cóo' e guóo' job cuøøng' lí' jmér~ cóo' tu' e nijmeáiñ' ta~ jíi' mí' jmií' niing~

osi e nijmér~ cóo'gui e nijmeáiñ' ta~ lacoó' jmií' lacoó' jmií' é.

²²Jo Fidiéé cali' iin~ e nijmijnéeiñ' jial tíi' 'gøiñ' jogui jial e nicuø'r~ iihuí' jaléng' dseà uíi' quiá' jalé' dsee~ quiáin'; jo dsu' ja' mí' cajmээр~ lajo uíi' e eáang~ jmóor~ té'r' e féng' dsíir' cóo'~ jaléng' ì dseà ì catíng~ ni'íng' e iihuí' jo jogui ì catíng~ ni'íng~ conguiá' fí' lí' 'lí'. ²³Jo Fidiéé iin~ e jmili~bre cajo cóo'~ jnea~aa' jial tíi' jlo' niing~ 'gøiñ' cóo'~ jalé' e quí'r' jmií' jmóor', co' calí' fí' líiñ' jnea~aa', joba' latí' mí' uiim~ caguiéeiñ' jnea~aa' guiá' e laco' nilisee~naa' cóo'r' fí' lí' niing~ 'gøiñ'. ²⁴Jo nicatø' Fidiéé jnea~aa', dseà ì eáang~ 'neáiñ', e laco' nica'uíng~naa' dseà quiá'r', jo ja' eè' líí' si líí'naa' dseà Israel osi ja' líí'naa' lajo é. ²⁵Jo lajob líí' lí' laco' la fé' Fidiéé fí' ní' jì' e cajme' Oseas ie~ malíi'gui do ie~ lami' café' Fidiéé lala:

Jaléng' dseà ì ja' mí' calíng' dseà quié' e,
dsu' lana nifí'íre e dseà quié' baa nilíiñ';
jogui jaléng' dseà ì ja' mí' cajmi'neáan' lami' jéeng'gui,
dsu' lanagui nijmi'neáam' baa jaléng' í'.

²⁶Jo fí' ní' e jì' job cajo fé'gui Fidiéé lala:

Cartí' lana ja' líng'na' dseà quié' e,
jo dsu' lanagui jóo'baa nilíng'na' quié' jnea~, dseà lín'n Fidiéé ì seeng' car' ngongí' jmií'.

Jø lanab líí júu^ quiá^- Fidiée^ e cajme^ Oseas.

²⁷ Jø lalab fé^ Saíí^ fí^ ni^ jì^ quiá^- Fidiée^ cuaiñ~ quiá^- jaléng^ dseà Israel:

Nañí^ fa^ jialgui la fíing^ jaléng^ dseà Israel

líí^ laco^gui la jmguiú^ tóo^ e née^ fí^ 'ni^ jmiñí^,

jø dsu^ jíí^ tú^- 'ni^ mím^'bing^ i nilí^ nileáng^ jee^ jalé^ iihuí^ e nijaquíéng^.

²⁸ Cø^ jø huøø^- nidsé^gui e dseáng^ nijmiti^- Fidiée^ laco^ síí^ e 'goo^ e nica^fir^- lami^ jééng^gui quiá^- lajaang^ lajaang^ dseà jmiçúí^.

²⁹ Jø lalab café^gui Saíí^ ie^ malií^gui do cajo:

Jø facø^ Fidiée^ i quií^ jmií^ jmé^ doñí^ ee^

ja caseáaiñ^ tú^- 'ní^ míing^ dseà siju^naa^, dseà Israel,

jøba^ dseáng^ conguiab^ nica^fiñ^- jnea^ jóng

líí^ laco^gui cajméer^ cøo^ jaléng^ dseà i caliséng^ fí^ Sodoma cøo^gui fí^ Gomorra.

Jø lanab fé^ Saíí^ fí^ ni^ jì^ quiá^- Fidiée^ e cajme^r^ ie^ malií^gui do.

Catíim^- dseà Israel júu^ quiá^- Dseà Jmáang^- cajo

³⁰ Jø uíí^ quiá^- jalé^ e júu^ na, jøba^ nicuøøng^ líí^ fe^ee^ lana e nica^ím^ Fidiée^ jaléng^ dseà i ja líing^ dseà Israel e niliíñ^ do dseà i ja røøng^ dsee^ fí^ quini^r^ dsu^ uíí^ e já^- caliíñ^ do júu^ quiá^- dseà do, nañí^ fa^ ja^ cajmééiñ^ do quijí^- jial e ni^íng^ Fidiée^ ír^ . ³¹ Jø dsu^ jaléng^ dseà i líing^ dseà Israel

i eáang^ cuø^ bí^ yaang~ e jmitir^ la^uiing^ jalé^ júu^ quiú^ ta^ e laco^ ni^íng^ Fidiée^ ír^ e liíñ^ dseà i ja røøng^ dsee^ fí^ quini^r^, jø dsu^ ja^ calí^r^ lajo. ³² Jø dsu^ ja^ calí^r^ lajo uíí^ e cacuø^ bí^ yaaiñ~ e jmitir^ laco^ catíing^- e júu^ quiú^ ta^ do e laco^ lajo ni^íng^ Fidiée^ ír^ e líiíñ^ dseà i ja røøng^ dsee^ fí^ quini^r^ . Jø cø^ lajøjø cajméé^ dseà Israel, jøba^ cangongíim^-bre e caquiuiñ^ cøo^ e cuu^ e quiung^ dseà. ³³ Cø^ lalab fé^ fí^ ni^ jì^ quiá^- Fidiée^ líí^ fé^ dseà do lala cuaiñ~ quiá^- Dseà Jmáang^-: Niquiee^ e cøo^ cuu^ fí^ Sión, jø cøo^ e cuu^ jø seem^ dseà i ni^quiung^ . Jø dsu^ jaléng^ dseà i já^- líing^ júu^ quiá^- Fii^naa^ Dseà Jmáang^, jøba^ ja^ niligøøiñ^ cøo^ e jø, cø^ Dseà Jmáam^-bing^ líing^ lafa^ e cuu^ do.

10 Dseà rúí^naa^ dseà quiá^- Dseà Jmáang^, e laba^ iin~n car^ ngocáng^ dsii^ jogui mím^i Fidiée^, e jaléng^ dseà góo^o dseà Israel nileáiñ^ jee^ jalé^ dsee^ quiá^r^ . ² Jø jnea^ fá^a uíí^ quiá^r^ e eám^ iíñ~ nijmér^- lajíí^ e iing^ Fidiée^, lifa^ ja^ jmóor^ dseáng^- laco^ iing^ 'ñia^ Fidiée^ e nijmé^ jaléng^ dseà quiá^r^ . ³ Dsucø^ i dseà í^ ja iíñ~ ningáiñ^ jial e íng^ Fidiée^ dseà e liíñ^ do dseà i ja røøng^ dsee^ fí^ quini^r^ . Jø cø^ lajøjø líiíñ^, jøba^ yaam^-bre 'nó^r^ jial e ni^íng^ dseà do ír^ la^eáang^ cøo^ jalé^ e la tíiíñ^ yaaiñ~, jø cab^ 'náaiñ^ jalé^ e nicaguaí^ Fidiée^ uuing^ e nilí^ dseà lajo. ⁴ Jø Dseà Jmáam^-bing^ i ca^íing^- bí^ quiá^- e júu^ quiú^ ta^ do e laco^ doñí^ ií^ dseà i já^- líing^ júu^

quíar~ nilí'r e ni'íng' Fidiéé' ír e líiín' jaang' dseà ì ja' røong' dsee~ fí' quinir~.

⁵Jo lalab cajme' Moi~ ie~ malii~gui do cuaiñ~ quiá' e íng' Fidiéé' dseà e lííng' dseà ì ja' røong' dsee~ fí' quinir~ la'eáang' e jmitir~ e júu~ quiu' ta~ do, jo lalab fé' e júu~ jo: "Jaléng' dseà ì jmiti~ dseáng' røð contøong~ e júu~ quiu' ta~ quiá' Fidiéé', joba' la'eáang' cõo' e job niliseeñ' cajo." ⁶Jo dsu' lalab fé'gui cajo fí' ni~ jì' quiá' Fidiéé' cuaiñ~ quiá' jial ni'íng' Fidiéé' dseà e lííng' dseà ì ja' røong' dsee~ fí' quinir~ uíi' e nijá' calíñ~ júu~ quiá' dseà do, jo lalab fé' e júu~ jo: "Jie~ mí' í' o' e júu~ la: ¿I~ seeng' ì cuøong' nidséng' fí' ñiff?" —cõ' fíng song í' o' lajo, joba' nijmoo' jóng e lafa' nijgiáam' Dseà Jmáang' fí' lí' guiiñ~. ⁷Osi í' bi' o' é: "¿I~ seeng' ì cuøong' nijgiáang' fí' lí' neáang' jaléng' 'líi~?" —cõ' fíng song í' o' lajo, joba' nijmoo' jóng e lafa' nijí'b'tu Dseà Jmáang~ calé' catú'. ⁸Cõ' lalab fé'gui fí' ni~ jì' quiá' Fidiéé': "Jo quiáb' seeng' cõo' 'nú' e júu~ quiá' Fidiéé' lí' laco' la fó'na' jogui lí' laco' í' óo'na'." Jo e júu~ nab e guià'naa' jee~ 'nú' e quiá' jial já' lííng' dseà júu~ quiá' Dseà Jmáang~. ⁹Jo e júu~ job e la, e song fó' fí' quini~ dseà e Jesús líiín' Fíi' jogui já' líin' car' ngocáng' o' e Fidiéé' cajmijí'r dseà do mí' cangf e cajúin', joba' nileám~ Fidiéé' 'nú' jóng jee~ jalé' dsee~ quíi'. ¹⁰Cõ' la'eáang' e já' líi'naa' e car' ngocáng' dsi'naa' e júu~ jo, joba' nilí'baa' e ni'íng' Fidiéé' jneaa'aa' e líi'naa' dseà ì ja' røong' dsee~ fí' quinir~, jogui nileám~

Fidiéé' jneaa'aa' cajo jee~ jalé' dsee~ quí'naa' la'eáang' e fé'naa' fí' quini~ dseà e Dseà Jmáam'bing' ì lííng' Fíi'naa'.

¹¹Jo lalab fé'gui fí' ni~ jì' quiá' Fidiéé': "Jo dsu' jaléng' dseà ì já' lííng' júu~ quiá' Dseà Jmáang~, joba' ja' quí' jmiñ' fa' e nilitúng~ dsíir' e já' calíñ~ e júu~ jo." ¹²Jo røøb' líi'naa' fí' quini~ Fidiéé', ja' ee' líi' su líi'naa' dseà Israel osi ja' líi'naa' lajo é, cõ' jaam' Fíi'naa' Fidiéé' seeng' quí'naa' lajii'naa', jo jlob' cuø dseà do mí' ee'go mí' dseà ír. ¹³Cõ' lalab fé'gui fí' ni~ jì' quiá' Fidiéé' cajo: "Jo jaléng' dseà ì mí' Fidiéé' e nileáang~neiñ' jee~ jalé' dsee~ quiá'r~, joba' lajob nijme~ dseà do." ¹⁴Dsu' ja' cuøong' lí' mí' dseà Fidiéé' song ja' mí' já' líiín' júu~ quiá' dseà do; jogui ja' cuøong' fa' e nijá' lííng' dseà júu~ quiá' Fidiéé' song ja' mí' canú'guir e júu~ jo; jogui cajo ja' cuøong' lí' núr~ e júu~ quiá' Fidiéé' do song ja'gui i~ seeng' fa' ì nini' e júu~ quiá' dseà do; ¹⁵jogui ja' cuøong' e nini' e júu~ quiá' dseà do song ja' i~ seeng'gui fa' ì nisíng~ dseà e nijmér~ lajo. Jo lalab fé' fí' ni~ jì' quiá' Fidiéé' cuaiñ~ quiá' e júu~ na: "Dsíng' ia' mí' güilíng~ jaléng' dseà ì quie' júu~ quiá' Fidiéé'." ¹⁶Jo dsu' jíi' tú' 'ní' mím~ dseà Israel ì já' lííng' e júu~ jo lí' laco' la fé' Saíi' fí' ni~ jì' quiá' Fidiéé' lí' fé'r lala: "Fíi' i, jíi' tú' 'ní' míng~ dseà ì já' nicalíng~ júu~ quíi' e guia' jnea'." ¹⁷Jo cuøong' fe'ee' lana e la'eáang' e guia' dseà júu~ cuaiñ~ quiá' Dseà Jmáang~, joba' núu' dseà e júu~ jo; jogui la'eáang' e núu' dseà e júu~ jo, joba' já' líiín' e jo. ¹⁸Jo uíi' joba' jmingii~ jnea' lala: ¿Su ja' mí' canúu~

dseà Israel e júu^ cuaiñ~ quiá^-
Dseà Jmáang^- do? Mó'^ dseáng^-
nicanúu^- biñ'. Jo e jáb^- e jo, co'
dseáng^- lajob nicalf^- lí'^ laco'gui la
fé' fí' ni~ jì' quiá^- Fidiée^- lí' fé' lala:

Jo fí' latøong^- jmingüíb^- nicanúu^-
dseà júu^ quiá^- i dseà i
guia' júu^ quiá^- Fidiée^,
jogui fí' dseáng^- tí' lí' huíi^-
eáang' fí' ni~ guóo^- uó^-
nicaná'^ júu^ quiá'r^- cajo.

¹⁹Jo caléb'^ catú^- jmingüi~ jnea~:
¿Su ja' mí' cangám'^ bi dseà Israel
jalé' e júu^ jo? Mó'^ dseáng^-
nicangám'^ bre, co' lalab cajme'!

Moi' ie~ malii~gui do e fé' Fidiée~:
Jnea~ Fidiée~ nijmee~ e jaléng'
dseà i ja' líng' dseà Israel
ni'uíiñ^- dseà quié~ e,

jo lajoba' nilí' dsihuúng' jaléng'
dseà Israel quiá^- jaléng' i
dseà í'.

Jogui nijmee~ e cajo e niligúing^-
dseà Israel quiá^- jaléng' i
dseà í' i ja' 'goo' ngáng' do.

²⁰Jo eáam' lahuúng' fé' Saíi^ e júu^
la lí' fé' Fidiée~ lala:

Jo jaléng' dseà i ja' ca'nang'^
jnea~, cadsém'^ bre jnea~.

Jogui jaléng' dseà i ja'
cajmingfing' jnea~,
cajmijnéem' 'niá'^ a jee~ jaléng' í'.

²¹Jo dsu' lalab cajme'gui Saíi^ e fé'
Fidiée~ cuaiñ~ quiá^- jaléng' dseà
Israel: "Contøom^- caníi' i guóo'o e
jmico'o' o' 'nú', dseà saang' óóna'
cáo'~ jnea~ jogui dseà i ja' iing~ jmé^-
núu' júu^ quié~ e."

Mí' cagúing' Fidiée~
jaléng' dseà Israel

11

Jo co' lajob líi', joba' lana
jmingüi~ jnea~ lala: ¿Su

Fidiée~ nicatiúum^- bre jaléng' dseà
quiá'r^- dseà Israel? ¡U~, dseáng^- o'
lajo! Co' téé' óóna' e dseà Israel
líng' jnea~ cajo, jo dseà siju~ 'líi'
yúu~ Abraham líi'n, jogui jee~ 'lé'
quiá^- Mim^- iuun^- cajo. ²Jo Fidiée~,
lajíi~ lati' mí' uim~, caguín^- jaléng'
dseà Israel e laco' ni'uíiñ^- do dseà
quiá'r^, jogui cartí' lana jíi~ coo'
ya' ja' mí' catiúung^- neiñ' do cajo.
Co' lí' dsii^- e guiáb^- ní' 'nú' lajíi~
e cajíng^- Líi^, jaang' i café' cuaiñ~
quiá^- Fidiée~ ie~ malii~gui do, ie~
lami~ caféiñ' Fidiée~ e ca'níiñ^-
jaléng' dseà Israel lala: ³"Fíi',
nicajngam' dseà jaléng' i dseà i fé'
cuaiñ~ quií', jogui nicajgiéem^- bre
jalé' nife' quií' lí' jmiféng' dseà
'nú; jo lajíi~ jnea~ dseà quií' i ja'
mí' cajngang' dseà, jo dsu' lajob
iñ~ nijmér^- co'o'~ jnea~ cajo." ⁴Jo
dsu' lalab cañíi' Fidiée~ quiá^- i Líi^
do jo casí'- reiñ' do lala: "Líi^, dsu' o'
jíi~ 'nú' dseà quié~ e i seeng'gui lana,
co' seem' bi guié^- milgui dseà quié~ e
i ja' mí' casí' uó^- jni~ e jmiféiñ' i
dié~ dseacuú~ i sii' Baal." ⁵Jo lajob
líi' lana cajo, co' seem' bi tú^- 'ní'
míng' dseà Israel i nicagúing'
Fidiée~ e laco' nilíiñ^- do dseà
quiá'r^-. Jo nicalf^- lajo uíi~ e eáang'
'neáang' Fidiée~ jaléng' i dseà í'. ⁶Jo
Fidiée~ nicagúing' neiñ' do uíi~ e
eáang' 'neáam' breiñ' jo o' uíi~ co'o'~
jalé' e nicajméesiñ' do. Co' faco'
nicagúing' Fidiée~ jaléng' i dseà do
la'eáang' co'o'~ jalé' e nicajméesiñ'
do, joba' cuøong' fe'ee' jóng e e
eáang' 'neáang' Fidiée~ jnea~ aa' do
jo cuøguir lí'^ tá' cuør^- e iáang'
dsiir' jóng.

⁷Jo lalab líi', ja' calí^- dseà Israel
e ni'uíiñ^- dseà quiá^- Fidiée~ lí'^

laco'gui jíi~ e 'nór'. Jo dsu' i dsea' i caguíng' Fidiée' 'ña'ra' do, calfb' í e ca'uíiñ dsea' quía' dsea' do. Jo dsu' jaléng' i dsea' caguiaang-gui do cali'ueb' moguir~, co' ja' iin~ fa' canúur- júu' quía' Fidiée'. ⁸ Jo calí lajo lí' laco' la fé' fí' ni~ jí' quía' Fidiée' lí' fé' lala: "Jo Fidiée' cajmээр' cóo' jaléng' dsea' Israel e ue' moguiñ' e laco' ja' ningáin' laco' catíng~, jogui cajmее' bre jminiñ~ cajo e lafa' ja' cuóong' nijóoiñ~ jogui loguaiñ~ cajo e lafa' ja' cuóong' ninúin'." Jo lanab líng' i dsea' í cartí lana. ⁹ Co' lalab fé'gui fí' ni~ jí' quía' Fidiée' e cajíng' dseata' dsea' féng' Daví':

Míi' i 'nu', Fidiée', e lajee' e seáng' rúng' dsea' góo' dsea' Israel e gø'r ir' colíing' jíi~ laco' quí' tíiñ~, jo lajee' jo, lajee' jíi~ e ja' lí' bre, mii~ e ni'uíing- ga' quía'r e laco' nitéin' fí' ni~ dsee~, jo lajoba' ni'íñ' iihuá' laco' catíng~.

¹⁰ Jogui míi' i 'nu' cajo, Fidiée', e lafa' güijníib^ jminir~ e laco' ja' cuóong' nijóor~ jogui e lafa' nijúm' mocóo'r congua'.

Mi~ caleáng' Fidiée' jaléng' dsea' i ja' líng' dsea' Israel jee' jalé' dsee' quíaiñ'

¹¹ Jo lana nijmingi'túu calé' catú': Jo mi~ caquiung' dsea' Israel, ¿su dseáng' conguiab' ca'naain' quía' Fidiée'? U~, dseáng' o' lajo. Jo dsu' mi~ cajmее' dsea' Israel saang' dsíur' cóo' Fidiée', jo e jo cali'fing' ta' e laco' jaléng' dsea' i ja' líng' dsea' Israel nitíiñ~ e nileáng' Fidiée'

ír' jee' jalé' dsee' quíaiñ'. Jo lajoba' eám' nilí' dsihuíng' jaléng' dsea' Israel quía' jaléng' i dsea' í' uíi~ e lajo nicajmее' Fidiée' cóoiñ~ do. ¹² Jo co' saam' dsíi' jaléng' dsea' Israel cajmээр' cóo' Fidiée', joba' dseeb' ca'éer. Jo dsu' e jo eám' cali'fing' ta' e laco' ca'uíing- guíá' quía' jaléng' dsea' jmigú'. Jo nañi' fa' ja' calí' dsea' Israel e cal'ng' Fidiée' ír', dsu' eám' guíá' nica'uíing- quía' jaléng' dsea' i ja' líng' dsea' Israel. Jo co' lajob líi', joba' cuóong' lí' fè'ee' jóng' e eáang'gui guíá' ni'uíing- quía' jaléng' dsea' i ja' líng' dsea' Israel ie~ lami~ nijá' líng' jaléng' dsea' Israel júu' quía' Fidiée'.

¹³ Jo dsu' sea' bi' júu' e 'né' fíi' i 'nú', dsea' ja' líng' na' dsea' Israel. Jo Fidiée' bing' i nicasíng' jnea' e laco' niguiaa- júu' quía'r- jee' jaléng' 'nú'. Jo jnea' eám' jmi'goo' e ta' e nicangíin' quía' dsea' do. ¹⁴ Jo uíi~ e jmóo' lajo cóo' ta' quíe', joba' jnea' iin~ e faco' lajogui nilí' i e ni'íng' jaléng' dsea' góo' dsea' Israel e nileáin' jee' jalé' dsee' quía'r. ¹⁵ Jo uíi~ e nica'náam 'ña' Fidiée' e seeiñ~ cuóong' cóo' dsea' Israel, joba' jaléng' dsea' i caguiaang-gui nicalí' bre e niseeiñ~ juguiá' júu' røø' cóo' Fidiée'. Jo dsu' mi~ ni'íng' tu' Fidiée' jaléng' dsea' Israel, e jo líi' lafa' mi~ jí' tu' jaang' líi'. ¹⁶ Jo lajob líi' e júu' na lí' laco'gui la líi' mi~ jmóo' dsea' iñí'; co' song la'uii~ e iñí' e nijmé' dsea' do quía' e nicuø'r Fidiée', joba' lajaléb' e ca' caguiee- gui do güeam' cajo. Jogui song jmó' quía' coo' 'ma' catíng' Fidiée', joba' güeam' cajo e guo' quía' e 'ma' do.

¹⁷ Jo cuøøng` fe`ee' e i liing` dsea` Israel líiñ` lafa' guo' 'ma` ofii` e cajni` dsea` jo dsu' cahuíḃ' e guo' jo. Jo eáang` quiá' e guo' e cahuí' do, fí` job` cajé` e guo' 'ma` ofii` e iáang` 'ñia' fí` jee` mó'. Jo jaléng` 'nú'), dsea` ja` líing`na' dsea` Israel, 'nú')bing` i` líing` lafa' e guo' e 'ma` ofii` jo. ¹⁸ Jo co' lajob` líing`na', joba' fíi` guíi` 'nú') jie` mí` í` óóna' e niing`gui' laco'gui' e guo' 'ma` e nicahuí' do, co' song` í` óóna' lajo, joba' 'né` e jmiguiéng` óóna' e o' 'nú') i` se' e jmó` quiá' e 'ma` do, co' la'eáang` e jmó` doba' e jí' 'nú'), dsea` líing`na' lafa' guo' 'ma` ofii` e ca'iáang` 'ñia' fí` jee` mó'.

¹⁹ Jo dsu' jangám` ni'f` o' jo nifo' lala: "Cahuíḃ' e guo' quiá' e 'ma` do e laco' nija` jnea` éé` quiá' e lí` cahuí' do." ²⁰ Jo e jáb', lajob` calí, dsu' cahuíḃ' jalé' e guo' jo uii' e ja` já' calíng` júu` quiá' Fidiéé'. Jo dsu' 'nú'), dsea` ja` lin' dsea` Israel, lafa' casém'ba' e fí` dse' e 'ma` jo uii' e já' calín' júu` quiá' Fidiéé'. Jo co' lajob` calín', joba' ja` 'né` e jmiñløng` uø' uii' quiá' e jo, co' lí' lí' 'né` e ñiing` o'. ²¹ Jo co' ja` cajmée` Fidiéé` féng' dsíir` cóo' e guo' 'ma` e guita` cajni` dsea` joba' caquiæ`bre, jo co' lajob` cajmée`guir` cóo' e guo' jo, joba' dseáam' e nijmér` lajo cóo' 'nu` cajo. ²² Jo co' lajob` líi', joba' ne`naa' jial` tíi' e guíúng` Fidiéé` lifa' íi`bre í' laco' catíing` mí` eègø` jmóo` dsea` e ja` dseeng`. Jo co' lajob` líiñ`, joba' iihuíḃ' cacuø'r` jaléng` i` dsea` i` cajmée` saang` dsíi' cóo'r'. Jo dsu' eáam` guíúñ` cóo' 'nú'), dsea` ja` líing`na' dsea` Israel, lifa' 'né` e seeng`na' e contøøng` já' líing`na'

júu` quiá'bre. Jo dsu' song` ja` jmoóna' lajo, joba' dseáam' jóng` e lafa' nihuíng`na' e fí` dse' e 'ma` jo. ²³ Jo song` já' nilíing` jaléng` dsea` Israel júu` quiá' Fidiéé` jogui` e niquí' jíng`tu` yaaiñ` fí` quini` dsea` do, joba' caléb' catú' ni'uíing`tur` lafa' guo' quiá' e 'ma` e lí` cahuíiñ` do. Co' quiíḃ' Fidiéé` jmiñ` e nijmé`tur` e niséng' tur` e guo' quiá' e 'ma` e caquiæ'r` do. ²⁴ Jo co' 'nú'), dsea` ja` líing`na' dsea` Israel, lafa' cahuíng`na' fí` cóo' 'ma` ofii` e ca'iáang` 'ñia' fí` jee` mó', jo lafa' caséng`na' fí` cóo' 'ma` ofii` e guita` cajni` dsea` nañi` fa' ja` jmóore` dsea` lajo, dsu' lajob` calí` cóo' 'nú'); jo co' lajob` calí` cóo' 'nú'), joba' eáang`guíḃ` ja` huíng` e lafa' niséng`tu` Fidiéé` e guo' e nicaquiæ'r` do quiá' e 'ma` e guita` cajni` dsea`. Jo jalé' e guo' jo, íb` lafa' jaléng` dsea` Israel, jo ie` mí` nilí` lajo, joba' nisém`tu` calé' catú' e guo' quiá' dseáng` e 'ma` e guita` cajni` dsea'.

Nileám` jaléng` dsea` Israel jee` jalé` dsee` quiá'r` mí` nití` e í' jo

²⁵ Dsea` rú'naa' dsea` quiá' Dsea` Jmáang`, iim`baa` e ñi`na' e júu` la quiá' Fidiéé` e ja` mí` cajmijneéiñ` lamí` jééng`gui` e laco' lajo` ja` nijmiñløng` yaang`na' e ttiing`na' eáang`. Jo e lab` e júu` jo, e i` liing` dsea` Israel eáam` nicaajméeer` laaiñ` cóo' júu` quiá' Fidiéé', jo dsu' calí` lajo` e lí' laco' ni'ié'` jie'` jíi'` sí'í'` 'né` tí` i` dsea` i` ja` líing` dsea` Israel i` nijá' líing` júu` quiá' Fidiéé'. ²⁶ Jo mí` ningf` e nidsijéé` jalé' e jo cóo' jaléng` dsea` i` ja` líing` dsea` Israel, joguiba' nileáng` jaléng` dsea` Israel

jee` jalé` dsee` quiá'r. Jo e na líí`
lí` laco' la fé' fí` ní` jì` quiá` Fidiée`
lí` fé'r lala:

Jo fí` Sión lí` nijáá` i` dsea` i`
nileáng` dsea` jee` jalé`
dsee` quiáin`.

Jo íb` i` nijé'` jalé'` e ja` dseeng`
jee` jaléng` dsea` siju` 'líi`
yúu` Jacóo`.

²⁷ Jo e nab e júu` e nijmirøø` còo`
jaléng` í`
mí` nití` í'` e ní'íin`n jalé`
dsee` quiá'r`.

Jo lanab jíi` líí` júu` quiá` Fidiée`.

²⁸ Jo latí` jmií` na, i` fíim` dsea`
Israel 'ní'` níim`bre Fidiée`, cò' ja`
mí` ca'íin` júu` quiá` dsea` do e
quiá` jial laang` dsea` jee` jalé`
dsee` quiá'r`. Jo líí` lajo e lí'` laco'
cuøøng` nijá'` líing`na' júu` quiá`
Fidiée`, 'nú'` dsea` ja` líing`na' dsea`
Israel. Jo dsu' mí' 'noo`bi` 'neáng`
Fidiée` jaléng` dsea` Israel dsu'
uíi'` e caguíin` jaléng` dsea` áang`
quiáin` do jogui e cajmée` júu`
tigua` còoin` do cajo. ²⁹ Cò' jalé`
e cuø' Fidiée` lí'` doñi` ií` dsea`
jo` qui'` jmií` fa' e niguí`tur calé`
catú`, o'gui fa' e nitiúung`tur
jaléng` i` dsea` i` nicató'r` i` nilíing`
dsea` quiá'r`. ³⁰ Jo lamí` jéeng`gui
jaléng` 'nú'`, dsea` ja` líing`na' dsea`
Israel, eáam` cajmee`na' e saang`
óo`na' còo` Fidiée`. Jo dsu' lanagui,
uíi'` e lajob nicajmée` cajo jaléng`
dsea` Israel, joba' Fidiée` lana nífi`
líiin` 'nú'`. ³¹ Jo lajob nicajmée` dsea`
Israel còo` Fidiée` lana, jo dsu' calí`
lajo cajo e lí'` laco' lana nilí` fí`
líing` Fidiée` 'nú'`, dsea` ja` líing`na'
dsea` Israel, jogui calí` lajo cajo e
lí'` laco' lajo nilí` fí'` líing` Fidiée`
jaléng` i` dsea` Israel do. ³² Jo lajiim`

dsea` jmigüü` nicajmée`r` saang` dsíir`
còo` júu` quiá` Fidiée`, cò' lajob
síí'` quiá` dsea` do. Jo calí` lajo e
lí'` laco' mí` nilicøøng`gui, nilí` fí`
líing` Fidiée` lajaléng` i` dsea` í`.

³³ Jo dseáng` ja` cøøng` còo` jial
tíi'` e guiúng` Fidiée` còo`
lajaléng` dsea` jmigüü`,
jogui lajob cajo ja` cøøng` còo`
jial tíi'` e tíiin` ngáiin`.

Jo jíi` jaang` dsea` jmigüü` qui'r`
jmií` fa' e ningáin` jial laco'
jíi` e í` dsíi' dsea` do còo`
jalé` e nijmér`, jogui jial e
nijmér` lajalé` e jo.

³⁴ Cò' lalab fé' Fidiée` fí` ní` jì`
quiá'r`:

Jíi` jaang` dsea` jmigüü` qui'r`
jmií` fa' e nilíin`r` jialcò' í`
dsíi' Fidiée`
o'gui cajo fa' e nijíin` e` jalé` e
'né` nijmé` dsea` do.

³⁵ Jogui jíi` jaang` dsea` jmigüü`
ja` eè` mí` cacuø'r` Fidiée`
jéeng`gui
e laco' dsea` do nijmér` qui'` táa`
còo` dsea` jmigüü`.

Jo lanab líí` júu` quiá` Fidiée` e tóo`
fí` ní` jì` quiá'r`.

³⁶ Dsucò' lajaléb'` e sea` fí' jmigüü`
Fidiée`bing` i` cajmée`, jogui
la'eáang` í`bre e sea` jalé` e jo, jogui
e quiá` bir líí` lajalé` e jo cajo.
iJoba' car` ngongíi` jmiib` 'né` e
nijmiféng`naa' Fidiée`!

Jo lajob 'né` niliti`.

Jáang` yaang`na' fí' jaguó`
Fidiée` lafa' còo` feá'

12 Dsea` rú'naa' dsea` quiá`
Dsea` Jmáang`, uíi'` e
eáang` fí'` líing` Fidiée` jneaa`aa',
joba' míi`i` 'nú'` jmi'ee` e nijáang`r`

yaang~na' fí jaguór e líng'na' lafa' coq̄ feá' e jí', jogui e güeang'na' e líng'na' dseáng' jí' e quiá'bre, jogui e jlo' nitf̄ dsír' cajo; co' e nab feá' e 'né' nijjí'na' fí quini' Fidié' e laco' nijmiféng'naa're.

²Jogui jie' mí' síng' yaang~na' e fí' ja' dseeng' lí' ngí' dseà jmigüí' i seeng' jmí' na, co' ja' 'né' jmée'na' lajo. Co' lí' lí' 'né' e nicuó' fí' yaang~na' e nilisíng' jialco' í' óo'na', jo lajoba' nilisíng' jialco' ee'na' fí' jmigüí' la, jogui cajo e quí'na' jmí' e niliñí'na' e' e iing' Fidié' e nijmée'na' lí' lajalé' e guiá' jogui e jlo' e tí' dsí' dseà do jogui cajo e røø e ja' cøøng' còo'.

³Jo Fidié' nicacuø'r' jnea~aa' coq̄ ta' uí' e lajo calí'iaang' dsír' cajmээр' còo' jnea. Jo co' lajob cajmée'guir, joba' fí' i 'nú', dseà rú'naa' dseà quiá' Dseà Jmáang', e jí' jaang' 'nú' 'né' nilí' áa'na' e niing'gui eáang' laco' jí' e catíng' nilí' áa'na' cuaiñ' quí'na'. Co' 'né' e nilí' áa'na' jí' laco' catíim' lí' laco' jí' tí' e cangíng'na' quiá' Fidié' e ja' líng'na' júu' quiá'r'.

⁴Dsuco' lajaang' lajaang' jnea~aa' seab' jmini'naa' còo'gui loguá'naa' jogui e jíe'gui cajo, jo lacoq̄ e jo quí'ii' jmaquím' ta' íng' lacoq̄.

⁵Jo lajob lí' jnea~aa' cajo, dseà lí'naa' dseà quiá' Dseà Jmáang', co' nañí' fa' fíim'baa' eáang', dsu' lafa' jaam' dseà lí'naa' i ja' líng' júu' quiá' Dseà Jmáang'. Jo ja' ee' lí' lí' lí'naa' jmaquíng' lajaang' lajaang'naa', dsu' lafa' jaam' dseà lí'naa' lajaléng'naa'.

⁶Jo e cuø' Fidié' jnea~aa' e íaang' dsír' jmaquím' nicangíng'naa' lajaang' lajaang'naa'.

Joba' song nicacuø'r' jnea~aa' e tíi'naa' guí'naa' júu' quiá'r' fí' quini' dseà jíéng', joba' lajob 'né' jmó'oo' lí' laco' jí' tí' e nicangíng'na' e ja' lí'naa' júu' quiá'r'. ⁷Jogui song nicacuø'r' jnea~aa' e nijmé'naa' ta' e nijmicóo'naa' dseà rú'naa', joba' lajob 'né' jmó'oo'. Jogui song nicangíng'naa' quiá'r' e tíi'naa' e ni'é'naa' dseà rú'naa' júu' quiá' Dseà Jmáang', joba' lajob 'né' jmó'oo' jóng. ⁸Jogui song nicangíng'naa' quiá'r' e tíi'naa' e nicuó'naa' bí' dseà rú'naa', joba' lajob 'né' jmó'oo'. Jogui song nicangíng'naa' quiá'r' e nijmicóo'naa' dseà rú'naa' còo' jalé' e seà quí'naa', joba' lajob 'né' jmó'oo' e ngocáng' dsi'naa'. Jogui song nicangíng'naa' quiá'r' e oo'naa' coq̄ ta', joba' eáam' 'né' e ñiing' dsi'naa' e nijmó'naa' e ta' jo. Jogui song nicangíng'naa' quiá'r' Fidié' e nijmicóo'naa' jaléng' dseà rú'naa' i lí' 'né' quiá' lajo, joba' lajob 'né' jmó'oo' e íaang' dsi'naa'.

Jial 'né' seeng' dseà quíá' Dseà Jmáang'

⁹Jo fí'guí' 'nú', dseà rú'naa' dseà quiá' Dseà Jmáang', dseáng' e ngocáng' óo'ba' 'né' nijmi'neáang'na' dseà rúng'na', jo o' lí' júu' e fó'na' e jmoo'na' lajo. Jogui 'né' e 'ní' máam'ba' jalé' e ja' dseeng', co' lí' lí' dseáng' jí' e guiá'ba' 'né' nijmée'na'. ¹⁰Jogui jmi'neáang'na' dseà rúng'na' lí' laco'gui catíng' e jmóo' dseà quiá' Dseà Jmáang', jogui nijmi'goo' rúng'na' cajo.

¹¹Jo ja' 'né' jmée'na' fíng'na', co' lí' lí' 'né' e nicuó' bí' yaang~na' e

nijmées^na' jalé' ta~ e nicangíng^na' quiá' Fidiée'.

¹²Jo e íaang` óo^ba' 'né` seeng^na' la'eáang` e dseáng` nitab~ óo^na' e niliseem^ba' cøong` còo' Fidiée' fí' ñifí' quiá'r` mi~ nití' e í' jo. Jogui 'né` e jmée^na' féng' óo^ba' còo' jalé' fi'í' dsíi' e dsingíng^na', jogui cajo ja' 'né` tú^na' e fóng^na' Fidiée'.

¹³Jo jaléng` dseá rúng^na' dseá quiá' Dseá Jmáang` i li~ seágo fi'í' dsíi' quiá', joba' 'né` e nijmicóo' baa're jóng. Jogui íng^na' còo' júu` røð jaléng` dseá i guilíng` fí' quií'na'.

¹⁴Jogui mii^na' Fidiée' coo` e guiá' uii' quiá' jaléng` dseá i jmáng' 'nú' ga, jo dseáng` lajob 'né` jmée^na' còo'r` jogui jie~ mi~ fó^na' júu` 'li' uii' quiá'r'.

¹⁵Jo jmi'íáang` óo^na' còo' jaléng` dseá rúng^na' dseá quiá' Dseá Jmáang` i íaang` dsíi', jogui jmee^na' fi'í' fíng seeng` i líng` lajo.

¹⁶Jo røðb` 'né` seeng^na' jee~ la'ó' 'nú', dseá líng^na' dseá quiá' Dseá Jmáang`. Jo ja' 'né` e jmiyløng` yaang^na', co' lí' lí' 'né` e seeng^na' e røðb` líng^na' laco'gui líng` i dseá i ja' jmiyløng` yaang` jee~ jaléng` 'nú'. Jogui ja' güi'f` óo^na' e dseáng` líng^na' dseá i tíng` ngáng'.

¹⁷Jo ja' jmoo^na' qui' táa' còo' dseá rúng^na' song eègo ca'léer` quií'na', co' 'nú' 'né` nijmi'úung^na' e nijmées^na' dseáng` jmang` e guiáb` còo' doñi' ii' dseá rúng^na'.

¹⁸Jo jie' jii' carti' lí' quií'na' jmií` jmee^na' e niliseeng^na' juguiá' júu` røð còo' lajaléng` dseá rúng^na'.

¹⁹Jo e laba' iin`n fii' guíi' 'nú', dseá rú'naa' dseá quiá' Dseá Jmáang` i 'neáan`n eáang`, e mi~ eègo ca'léé'

dseá quií'na', ja' 'né` fa' e nicó^na' quií'na', co' ja' dseeng` e jmée^na' lajo; co' lí' lí' 'né` e nisée^na' fí' jaguó' Fidiée' e júu` jo, co' í'bing' i ni'f` í' laco' catíng`; co' lalab fé'r` fí' ni~ ji' quiá'r': "Jneab` Fidiée' dseá catíng`n e ni'íi' i í' laco' catíng`, jo jnea`bing' i niqui'` táa' dseáng` laco' si'í'." Jo lanab` jii' líi' júu` e jíng' Fii'naa' Fidiée' fí' ni~ ji' quiá'r'. ²⁰Jo lalab fé'gui cajo fí' ni~ ji' quiá'r': "Jo song jaang` dseá i 'ní' níng` 'nu' mi'r` 'nu' e nidó'r` osi e ni'í'r` é, joba' 'né` cuø'ba're lajii' e mi'r` 'nu' do. Jo mi~ nijme^ lajo, lajoba' nilí' i' líng` i 'ní' níng` 'nu' do còo' lajii' e jmóor` còo' 'nu' do." ²¹Jo jie~ mi~ cuøong` uø' fa' e jalé' e ja' dseeng` nilí' 'nu', co' la'eáang` e jmoo' jalé' e guiá', lajoba' nilí' jalé' e ja' dseeng` do.

13 Jo e laba' iin`n fii' guíi' 'nú', dseá rú'naa' dseá quiá' Dseá Jmáang`, e lajiim` 'nú' 'né` jmée^na' núu^na' jalé' ta~ quiu' dseata` i seeng`. Dsuco' Fidiée'bing' i nicacuø' e ta` jo quiá' jaléng` dseata~, jogui cajo`ñiab' Fidiée' dseá nicaguiar` uing` e seeng` jaléng` í'. ²Jo co' lajob` líi', joba' jaléng` dseá i jmóo` laang` còo' lajii' ta~ quiu' dseata~, joba' ja' jmóor` núu'r` jóng` lajii' ta` e nicaquiú' Fidiée'. Jo jaléng` dseá i jmóo` lajo, joba' yaam`bre 'nó'r` e nidsijée' huíng` quiá'r', co' iihuíib` ni'íñ'. ³Dsuco' jaléng` dseata` ja' seeiñ` fa' e niféiñ` jaléng` dseá i jmóo` jalé' e guiá', dsuco' jaléng` dseá i jmóo` ga'bing' i nijmeáin` lajo. Jo song 'nu' iin` e niliseen` e ja' 'gón' dseata~, joba' 'né` e ni'ee' e guiáb` jóng, jo lajoba' nifé' dseata`

guiá uii' quíi'. ⁴Co' Fidiéé'bing' i caguíng' jaléng' dseata' e laco' nijmicóo'r' 'nu'. Jo dsu' song jmoo' jalé' e ja' dseeng', joba' 'né' jme' 'gó'ba' cóo'r' jóng; co' e liing' ta'ba' e quie' dseata' 'ma'u' quíá'r', co' cóo' e joba' e cuø' li' eè' ta' oor', co' 'ñiab' Fidiéé' dseá cacuø'r' dseata' e óoiñ' do ta' e laco' nicuø'r' iihuíf' jaléng' dseá i jmóo' laang' lajii' ta' quíu'r'. ⁵Jo uii' e lajob líí, joba' dseáng' laguim' 'né' e nijmée' núa' jalé' ta' quíu' dseata', dsu' o' fa' e laco' ja' ni'íin' iihuíf', co' uøø'ba' 'né' e ni'f' o' e dseáng' e guiú'ba' e nijmée' lajo. ⁶Jo uuing' e lajob cajo, joba' quíí' 'nu' cuu' e mí' dseata'; dsuco' Fidiéé'bing' i caguíng' jaléng' dseata', joba' jii' jo ta' quíá' bre e quíá' e quíu'r' ta'.

⁷Joba' fii' guíí' 'nú', dseá rú'naa' dseá quíá' Dseá Jmáang', jmití'naa' lajii' e catfíng'na'; joba' cuøø'na' jaléng' i dseá i óo'go ta' lajii' e catfíin' e niñíin', fa' jaléng' i catfíng' e ni'íng' jalé' cuu' e soo' fii', joba' qui'na' e jo; jogui jalé' e cuu' e quíá' eè'go ta' jmoo'na' osi eè'go sea' quíi'na', joba' qui'na' e jo cajo. Jogui jmi'goo'na' jaléng' dseá i óo'go ta', co' lajob catfíng' e nijmée'na', jogui jmiféng'na' lajaléng' dseata' laco' catfíng' cajo.

⁸Jo ja' jmirøøng' yaang'na' cóo' jii' jaang' dseá, co' lí' lí' 'né' e nijmi'neáang'na' dseá rúng'na'; dsuco' i dseá i jmi'neáang' dseá rúng' nicajmiti' bre røø' lajii' júu' quíu' ta' e cajme' Moi'. ⁹Jo lalab fé' e júu' quíu' ta' do: "Ja' lee' e nigüfn' cóo' dseamf' osi dseañu' i o' quíi', jogui jie' mí' jngán' dseá rún', jogui ja' jmoo' íí, jogui

ja' fó' júu' ta' júu' e laco' ni'lee' quíá' dseá rún', o'gui jmoo' dsihuín' quíá' jaléng' dseá rún' cajo." Jo jalé' e júu' quíu' ta' na cóo' gui jalé'gui e júu' quíu' ta' e caguiee'gui do dseáng' lalab jii' líí cóo' e júu' quíu' ta' e fé' lala: "Jmi'neáang' jaléng' dseá rún' lí' laco'gui jmi'neáan' uø'." ¹⁰Dsuco' i dseá i jmi'neáang' jaléng' dseá rúng', jmag' jalé' e guiú' jmoor' cóo' jaléng' i dseá í. Co' mí' jmi'neáang' dseá rúin' dseáng' laco' sí'í, joba' jmiti'bre laco' fé' jalé' júu' quíu' ta' e cajme' Moi'.

¹¹Jo sea' bi' uuing' quíá' e nijmé'naa' lajo, co' dseáng' 'né' e ní'baa' guiú' jialco' nilí' e see'naa' jmi' na, jogui cajo 'né' e ní'baa' e nicatf' í' e nijmijnée' dsi'naa' contøøng'. Co' dseáng' nijaquíem' e jmi' e nijáa'tu Fii'naa' Dseá Jmáang' fí' jmigúí' la e laco' nitøø' jneaa'aa', dseá i nicaleáaiñ' jee' jalé' dsee' quíá'. Dsuco' lana dseáng' niquíá'gui e jmi' jo laco'gui ie' lamí' já' calf'naa' júu' quíá'r'. ¹²Co' lana nilí' lafa' e tí' lí' nijneá, co' nijaquíem' e jmi' jo; joba' 'né' e nitú'baa' jalé' e ja' dseeng' e lamí' jmoo'naa' e quí' tíng' dseá jmoor' fí' lí' nuu', co' ja' 'né' jmó'oo' lajo. Co' lí' lí' 'né' e nijmó'oo' jalé' e quí' tíng' dseá jmoor' fí' lí' jneá, e jmáang'naa' ta' jalé' e nicacuø' Fidiéé' jneaa'aa' e laco' nijmi'øng' yee'naa' lí' laco'gui jalé' e jmáang' ta' jaang' 'lée' mí' dséer' fí' jee' 'nii'. ¹³Jo contøøm' 'né' ee'naa' røø' laco' catfíng' lí' laco'gui la jmóo' dseá i seeng' fí' lí' jneá; co' ja' 'né' e jmó'oo' fa' e seáang' rú'naa' e

nidsi'ne'naa' mée' osi e nidsé'ee' lí' tí' jmií' e ta' dseà' mfi' éaang', osi e güií'naa' cóo' dseañu' osi dseamf i o' quí'naa', osi lí' doní' eé' e 'lí' e jíé'gui' é, o'gui' e jmoó'naa' ta' jíing' osi ta' dsihuíng' quíá' dseà' rú'naa' é. ¹⁴Cò' o' lajò e 'né' jmée' 'nú', cò' lí' lí' 'né' e teá'gui' nisíng'na' cóo' júu' quíá' Fíi'naa' Dseà' Jmáang' e jmáang'na' ta' jalé' e jmi'óng' yaang'na' e nicacuø'r' 'nú' lí' laco'gui' jalé' e jmi'óng' 'ñia' jaang' 'léé'. Jogui' ja' 'nó'na' jial e nijmi'iaang' óo'na' cóo' jalé' e ga' e lí' óo'na' e seà' fí' jmigüí' la.

Ja' en' dseà' rún' dseà' quíá' Dseà' Jmáang'

14 Jo fíi'guí' 'nú', dseà' rú'naa' dseà' quíá' Dseà' Jmáang', íng'na' røø' jaléng' dseà' quíá' Dseà' Jmáang' i ja' mí' 'goo' teáang' teá' cóo' júu' quíá' dseà' do, jo ja' jmoó'na' ta' jíing' cóo'r' uíi' quíá' jalé' e í' óo'na'. ²Cò' seem' dseà' quíá' Dseà' Jmáang' i í' dsíi' e cuøøm' lí' dør' lí' doní' eé' jmiñi', jogui' dsu' seem'bi cajo i jiu'bi mí' teá' sing' cóo' júu' quíá' Dseà' Jmáang' jo í' dsíir' e jíi' ja'ba' cuøøng' lí' dør'. ³Jo cò' lajob' líi', joba' i dseà' quíá' Dseà' Jmáang' i í' dsíi' e cuøøm' lí' dør' lí' doní' eé' jmiñi', joba' ja' cuøøng' fa' e jmíjlong' 'ñia'r' uíi' quíá' i dseà' rúin' i gø' layaang' ja' do; jogui' i dseà' i í' dsíi' e cuøøm' lí' dør' layaang' ja', joba' ja' cuøøng' e ni'éin' i dseà' rúin' i í' dsíi' e cuøøm' lí' dør' lí' doní' eé' jmiñi'. Jo dsu' quíá' Fidié' ja' eé' líi' e gø' dseà' lajalé', cò' nica'ím'bre i dseà' i líng' lajo.

⁴Jo ja' dseeng' fa' e ni'éen' jaang' dseà' i jmóo' ta' quíá' jaang'gui' dseà'. Dsucò' cuaiñ' quíá' i fíi' quíu' ta' quíár' dob song ca'uíng' guíu' lajii' ta' jmóor' osi ca'uíng' ga' é. Jo dsu' guíu' ni'uíng' quíár', cò' eáam' 'gøng' Fíi'naa' Dseà' Jmáang', jo í'bing' i nijmicóo' e ni'uíng' guíu' quíá' i dseà' do.

⁵Jogui' cajo: Seem' dseà' quíá' Dseà' Jmáang' i í' dsíi' e niing'gui' e líng' jmií', jogui' seem'bi cajo i í' dsíi' e røøb' líi' lajalé' jmií' jo ja' seà' jmií' fa' e niing'gui'. Jo dsu' lajaang' lajaam' dseà' 'né' e ta' dsíir' røø' cóo' lajii' e í' dsíir' do. ⁶Jo cò' i dseà' quíá' Dseà' Jmáang' i í' dsíi' e niing'gui' e líng' jmií' jo jmóor' lajo e laco' nijmi'gór' Fíi'naa' Fidié'. Jogui' i dseà' quíá' Dseà' Jmáang' i í' dsíi' e cuøøm' lí' dør' lí' doní' eé' jmiñi' jo jmóor' lajo e laco' nijmi'gór' Fíi'naa' Fidié' cajo, jogui' cuø'bre gui'máang' dseà' do. Jogui' i dseà' quíá' Dseà' Jmáang' i í' dsíi' e lajii' ja'ba' cuøøng' lí' dør' jo jmóor' lajo e laco' jmi'gór' Fíi'naa' Fidié' jogui' cuø'bre gui'máang' dseà' do cajo.

⁷Jo jíi' jaang' jneaa'aa', dseà' líi'naa' dseà' quíá' Dseà' Jmáang', seé'naa' la ne'naa' yee'naa' o'gui' júung'naa' la ne'naa' yee'naa' cajo. ⁸Cò' song seé'naa' fí' jmigüí' la, líi' lajo e laco' e jmi'goo'naa' Fíi'naa' Dseà' Jmáang'; jogui' song catf' í' e nijúu'naa', líi' lajo e laco' e nijmi'goo'naa' Fíi'naa' Dseà' Jmáam' cajo. Jo ja' e líi' song seé'naa' fí' jmigüí' la osi nijúu'naa' é, cò' dseà' quíá' Dseà' Jmáam' líi'naa'. ⁹Jo cajúng' Dseà' Jmáang', jo mi' cangf' jo, cajii'tur calé' catú'; jo calf' lajo

e laco' nilíiñ' Fii~ quí'naa', dseá seē'naa' fí' jmiǵiúf' la, jogui lajob líiñ' Fii~ cajo quiá'~ jaléng' dseá quiá'r' i nicajúng~.

¹⁰Jo co' lajob líí', joba' ja' fí' sea' quí'f' fa' e ni'éen'~ dseá rún' dseá quiá'~ Dseá Jmáang~, o'gui fa' e nijóon'~re e uóng~gui cajo. Co' tée' óo'na' e lajaang' lajaam' jneaa'aa' 'né' ngiing~naa' fí' quini' Dseá Jmáang~ mi' tí' lí' nití' í' lajo e laco' dseá do niquidsir' í' quí'ii' laco' si'í'. ¹¹Co' lalab fé' Fii'naa' Fidiée' fí' ni' jì' quiá'r':

Jnea~ Fidiée' fál'a e dseáng'~ e já'ba' e seen~,

jogui fí' quini'baa lí' nisí'

lajjìng' dseá uó' jnir' e laco' nijmiféiñ' jnea~,

jogui nijjñ' e jíí'~ jneab~ Fidiée'.

Jo lanab fé' Fidiée' fí' ni' jì' quiá'r'.

¹²Jo co' lajob nilí', joba' lajaang' lajaam' jneaa'aa' 'né' e niguiée'naa' júu' fí' quini' Fidiée' mi' tí' lí' nití' í' e niquidsir' í' quí'ii'.

Ja' jmoo' e niténg' dseá rún' fí' ni' dsee~

¹³Jo co' lajob líí', dseá rún'naa' dseá quiá'~ Dseá Jmáang~, joba' ja' 'né' e éeng'naa' jaléng' dseá rún'naa'. Co' lí' lí' 'né' e nijmi'úung'naa' e ja' nijmée'naa' jíí'~ coo' e ga' e dseáang'~ e niténg' dseá rún'naa' fí' ni' dsee~ osi e nitúr' e já' líiñ' júu' quiá'~ Dseá Jmáang~ é. ¹⁴Jogui jnea~, la'eáang' e líin'n jaang' dseá i jmóo' lajjí'~ e iing' Fii'naa' Dseá Jmáang~, joba' eáam' nita' dsii' e lajaléb' e quiee'naa' e sea' fí' jmiǵiúf' la jmang' e guiúb' líí'. Jo dsu' seem' dseá i í' dsíí' e seab' e ja' dseeng', joba' lajob líí' dsu' lajjí'~ quiá'~ i

dseá íb'. ¹⁵Jogui song cóo'~ jalé' e cø'na' seem' dseá rún'naa' dseá quiá'~ Dseá Jmáang~ i ja' tí' dsíí' jalé' e jmoo'naa' do, jo song lajob líí', joba' lafa' ja' jmi'neáam'ba' i dseá rún'naa' do jóng. Jo uíí'~ e lajob líí', joba' fíi' i 'nú' e ja' cuóong' e cóo'~ jalé' e cø'na' nijmé' e niténg' dseá rún'naa' fí' ni' dsee~, co' uíí'~ i dseá í'bing' e cajúng~ Dseá Jmáang~ fí' dse' crúu'. ¹⁶Joba' fíi' i 'nú', ja' jmoo'naa' jíí'~ coo' e laco' dseáang'~ e nífé' dseá ga' uii' quiá'~ jalé' e í' óo'na' e guiú'. ¹⁷Jo mi' Fidiée' quier' níí' quí'naa', jo' quie'gui ta' quí'ii' fa' jalé' e quiee'naa' osi jalé' e 'né'naa' é, co' e laba' e eáang'gui 'né' nijmó'oo' la'eáang' cóo'~ Jmiguí' quiá'~ Fidiée', e seē'naa' e jmoo'naa' laco' iing' Fidiée', jogui e seē'naa' juguí' júu' røø, jogui e iáang' dsí'naa' cajo. ¹⁸Jo i dseá i jmóo' lana cóo'~ lajjí'~ e ta' e cangíiñ' quiá'~ Dseá Jmáang~, joba' i dseá í' jmi'iaam'bre dsíí' Fidiée' jogui guiúb' fé' jaléng' dseá rúñ' uíí' quiá'r' cajo.

¹⁹Jo lana fíi' i 'nú', dseá rún'naa', e contøom' 'né' e nijmi'úung'naa' e nijmó'oo' jalé' e laco' niliseē'naa' juguí' júu' røø cóo'~ jaléng' dseá rún'naa', jogui cajo e nijmicóo'~ rún'naa' e laco' nilí'naa' e tea'gui nisíng'naa' cóo'~ júu' quiá'~ Dseá Jmáang~. ²⁰Jo uíí'~ cóo'~ jalé' e cø'na' ja' jmoo'naa' e laco' dseáang'~ ni'íing' lajjí'~ e jmóo' Fidiée' cóo'~ lajaang' lajaang' dseá quiá'r'. Jo dseáng'~ e jáb', guiúb' lajalé' e gø' dseá, dsu' e doba' ja' dseeng' e song cóo'~ jalé' e cø'na' do nijmé' e niténg' dseá rún'naa' dseá quiá'~ Dseá Jmáang~ fí' ni' dsee~. ²¹Joba'

guiá̄-gui e ja` cø'ˆna' ngúu' o'gui
 u'ˆna' jmí'ˆ mí'ˆ huíng` jó'ˆ o'gui
 jmée'ˆna' jíi'ˆ coo` e laco' dseáng'ˆ e
 niténg'ˆ dseá rúng'ˆnaa' dseá quiá'ˆ
 Dseá Jmáang- fí' ni` dsee. ²²Joba'
 fíi' i' 'nú' e jíi'ˆ yaam`ba' 'né' ñí'ˆna'
 fí' quini` Fidiée'ˆ jial tíi'ˆ já'ˆ líng'ˆna'
 cuaiñ` quiá'ˆ e jo. Jo eáam' juguiá̄-
 quiá'ˆ i dseá i ta` dsíi' e guiáb- jalé'ˆ
 e jmóor, co' ja` cuø'ˆ dsee` ñia'r'
 lajee` e jmóor` lajo. ²³Jogui dsu'
 song seá coo` jmiñi` e ta` dsíi' i
 dseá í e ja` cuøong` lí` dó'r- jo song
 cagø'r` e jo, joba' dseeb- ca'éer` jóng
 fí' quini` Fidiée'ˆ, co' dseáng'ˆ ja` tab`
 dsíir' e cajméer` e guiá̄- mi` cajméer`
 e jo.

O' jíi'ˆ uø'ˆ 'né' jmi'iaáng` o', co'
 lajob 'né' jme'ˆ coo'ˆ dseá rún'ˆ

15 Jo fíi-guiá̄ 'nú', dseá
 rú'ˆnaa' dseá quiá'ˆ Dseá
 Jmáang-, e jaléng'ˆ jneaa'aa',
 dseá eáang'gui teá' nitée-ˆnaa'
 coo'ˆ júu' quiá'ˆ dseá do, 'né' e
 nijmicoo'ˆbaa' jaléng'ˆ dseá rú'ˆnaa'
 i ja`gui teáang- teá' coo'ˆ e júu'
 jo. Co' ja` 'né' jmó'oo' dseáng'ˆ
 lajíi'ˆ e guiá̄- qui'ˆnaa' yee'ˆnaa'.
²Jo lajaang` lajaang` jneaa'aa'
 'né' see-ˆnaa' e jmi'iaáng'ˆnaa'
 dsíi' jaléng'ˆ dseá rú'ˆnaa' e laco'
 ni'uíng- guiá̄- quiá'r- , jo lajoba'
 cuøong` e teá'gui nisíñ- coo'ˆ júu'
 quiá'ˆ Dseá Jmáang-. ³Co' jí'gui
 Dseá Jmáang- ja` ca'no'r- jial laco'
 nijmi'iaáng` dsíir' ñia'r', co' lí'ˆ lí'
 cangongfíiñ- jíi'ˆ laco' fé'ˆ fí' ni` jí'
 quiá'ˆ Fidiée'ˆ lí' fé'ˆ lala: “Jalé'ˆ e
 ga` e café'ˆ dseá uii` quií'ˆ, jneab-
 cangongfíng- jalé'ˆ e jo.” ⁴Jo lajalé'ˆ
 júu' e fé'ˆ fí' ni` jí' quiá'ˆ Fidiée'ˆ e
 cajme'ˆ dseá lamalií'gui eáang'

calf` lajo e lí'ˆ laco' e'ˆ jneaa'aa'
 jialco' nijmó'ˆnaa' té'ee'ˆ coo'ˆ jalé'ˆ
 e huíng` e dsijée'ˆ quí'ˆii', jogui
 cuø'ˆ jneaa'aa' bí' cajo; jo lajoba'
 dseáng'ˆ nita` dsí'ˆnaa' e nilisee-ˆbaa'
 cøong` coo'ˆ Fidiée'ˆ fí' ñíff- quiá'r-
 mi` nitf` e í' jo. ⁵Jo Fidiéeb-ˆ dseá i
 cuø'ˆ jneaa'aa' e jmoo-ˆnaa' té'ˆnaa'
 coo'ˆ jalé'ˆ e dsingíng-ˆnaa' do
 jogui e cuø'r' jneaa'aa' bí' cajo. Jo
 uíi'ˆ e lajob líi', joba' mfi'ˆi dseá
 do e güijmicoo'ˆbre 'nú' e laco'
 røøb` niliseeng'ˆnaa' lajee` la'ó'ˆ 'nú'
 lí'ˆ laco'gui ca'éé' Fíi'ˆnaa' Dseá
 Jmáang-. ⁶Jo lajoba' nijmiféng'ˆnaa'
 Fidiée'ˆ, Tiquiá'ˆ Fíi'ˆnaa' Dseá
 Jmáang-, colíng-ˆ lajíi'ˆnaa'.

Mi` canúu-ˆ dseá i ja` líng'ˆ dseá
 Israel júu' quiá'ˆ Dseá Jmáang-

⁷Jo lajob fíi-guiá̄ 'nú', dseá rú'ˆnaa'
 dseá quiá'ˆ Dseá Jmáang-, e íng'ˆ
 rúng'ˆnaa' e íaáng` óo'ˆna' lí'ˆ laco'gui
 ca'íng'ˆ Dseá Jmáang- 'nú', jo lajoba'
 e nijmiféng'ˆ dseá Fidiée'ˆ. ⁸Jo jneá-
 fíi' i' 'nú' e Dseá Jmáang- cagüéiñ-
 fí' jmígüi'ˆ la e laco' nijmicoo'ˆr- dseá
 Israel. Jo calf` lajo e lí'ˆ laco' cuø'
 lí' e dseáng'ˆ jmitib-ˆ Fidiée'ˆ júu'
 quiá'r- lí'ˆ laco' júu' e cacuø'r' 'líi'
 dseá áang'ˆ quí'ˆii', dseá Israel, ie`
 malií'gui do. ⁹Jogui cajá' bi Dseá
 Jmáang- cajo e laco' jaléng'ˆ dseá i ja`
 líng'ˆ dseá Israel nijmiféiñ'ˆ Fidiée'ˆ
 uíi'ˆ e eáang'ˆ fí' líng-ˆ dseá do
 jaléng'ˆ i dseá í lí'ˆ laco'gui la fé'ˆ fí'
 ni` jí' quiá'ˆ Fidiée'ˆ lí' fé'ˆ lala:
 Jo nijmifén'ˆn 'nú' jee-ˆ jaléng'ˆ
 dseá i ja` líng'ˆ dseá Israel,
 jogui nijmifén'ˆn 'nú' coo'ˆ jalé'ˆ
 e øø'.

¹⁰Jo lalab fé'ˆgui cajo fí' ni` jí' quiá'ˆ
 Fidiée'ˆ:

iJmi'iaang` óo'na!, dseà` quiá'~
 Fidiéé` ì ja líng' dseà` Israel,
 coliiing` cóo'~ jaléng' dseà` ì
 líng' dseà` Israel!

¹¹Jo lalab fé'gui fí' ni` jì` quiá'~
 Fidiéé` cajo:

Jmiféng'na! Fíi'naa! Fidiéé`
 jaléng'` 'nú'`, dseà` ì ja líng'
 dseà` Israel,
 ì seeng` jalé'` fíi' jiu jogui jalé'`
 fíi' cóo'`.

¹²Jo lalab fé'gui fí' ni` jì` quiá'~
 Fidiéé` e cajme'` Saí'`:

Nabi nijáa' jaang` dseà` siju` Isaí,
 jo íb` ì niquiá'~ ta` quiá'~
 jaléng'` dseà` ì ja líng' dseà`
 Israel.

Cò' cóo'~ ì dseà` ì nijáa' do,
 íb` ì nicuó'~ e ta` dsii' jaléng'` ì
 dseà` í'.

Jo lanab fé' fí' ni` jì` quiá'~ Fidiéé`.

¹³Joba' míi'~i Fidiéé` ì cuó' e
 ta` dsii' naa' do e güicuó'~bre 'nú'`,
 dseà` já' líng'na! júu` quiá'r~, e
 seeng`na! e íaang` óo'na! jogui e
 seeng`na! juguiá' júu` røð; jo lajoba!,
 la'eáang` cóo'~ bí' e 'gøng' quiá'~
 Jmiguí' quiá'r~, dseáng'~ eáang'gui
 güijmitar` óo'na! e niliseeng`na!
 cóo'r~ fí' níff' quiá'r~ mí' nití' e í' jo.

¹⁴Dseà` rú'naa! dseà` quiá'~ Dseà`
 Jmáang~, dseáng'~ eáam' nita`
 dsii' e 'nú'` eáam' guiúng'na! cóo'~
 jaléng'` dseà` rúng'na!, jogui e
 guiúb~ niñí'na! jial 'né' seeng`na!,
 jogui cajo eáam' quií'na! jmií`
 e cuó'na! bí' rúng'na!. ¹⁵Dsu'
 e fí' ni` jì` la nicateá' dsii' e
 nicajméé'~ e quií'na! tū' 'ní' mí'
 júu` e teáb' jiu; jo dsu' cajmé' e
 lajo e lí' laco' nijmiguíén'na' áa'na!
 jalé' e jo. Jo lajob cajmé' e uíi' e
 ta` e nicangíin'na quiá'~ Fidiéé', có'

dseáng'~ eáam' guiúng~ dseà` do
 cóo'~ jnea~ e jíi'~ ja catíin'na lajo.

¹⁶Jo cajméer' lajo cóo'~ jnea~ e lí'~
 laco' nijmee~ e lajji'~ e iing~ Dseà`
 Jmáang~ fí' jee~ jaléng'` dseà` ì ja
 líng' dseà` Israel. Jo cangíin'na
 cóo' ta` quiá'~ Fidiéé' e lí'~ laco'
 niníi'~ i júu` quiá'~ jial láang' dseà`
 do jaléng'` dseà` jee~ jalé'` dsee~
 quiáin'~. Jo jmóo'na lajo e lí'~ laco'
 cuóøng` nijøøna' fí' quini'~ jaléng'`
 ì dseà` í' e liin'` do lafa' cóo' feá'~
 e jlo'~ jmeafií' e nití' dsii' jogui
 e nicaligüeang'~ la'eáang' cóo'~
 Jmiguí' quiá'r~.

¹⁷Jo dseà` quiá'~ Dseà` Jmáang~
 líng' jnea~, joba' seab' uing~ quié'~ e
 eáang' jmi'iaang` dsii' uíi' jalé'`
 e ta` e nicangíin'na e jmóo'na quiá'~
 Fidiéé'. ¹⁸Dsuo' ja teá' dsii' e
 nifá'a jíi'~ cóo' júu` e jíé'gui jíi'~
 laco' e nicajméé' Dseà` Jmáang~
 cóo'~ jnea~ e quiá'~ e nicaguiaa~
 júu` jee~ jaléng'` dseà` ì ja líng'
 dseà` Israel e laco' nijméin'~ do
 núu'r~ lajji'~ ta` quiá'~ Fidiéé'. Jo
 lajob nicajmééin'~ do la'eáang' cóo'~
 jalé'` júu` e nicaguíá~ cóo'~gui
 jial nica'ee~ jee~ jaléng'` ì dseà`
 í', ¹⁹jogui cóo'~ jalé'` e lí' e quií'~
 Fidiéé' jmií' e jmóor' cóo'~ e güea'
 e 'gøng' quiá'~ Jmiguí' quiá'r~. Jo
 lanaba' guiúb~ nicateán'na e ta` do
 quié' e e quiá'~ e níi'~ i júu` quiá'~
 Dseà` Jmáang~ quiá'~ jial laang`
 dseà` jee~ jalé'` dsee~ quiá'r~, jo e jo
 canaan~ fí' Jerusalén cartí' caguíé' e
 fí' lí' se' Iliria. ²⁰Jo nicajmé' e
 úung' e niníi'~ i júu` e quiá'~ jial
 laang` dseà` jee~ jalé'` dsee~ quiá'r~
 dseáng'~ e fí' lí' ja mí' canúu' dseà`
 júu` quiá'~ Dseà` Jmáang~ jíi'~ cóo'
 ya' lamí' jéeng'gui. Jo calí' lajo uíi'~

e jnea~ ja' iin~n fa' e niní'~i e júu^
jo fí' lí~ nicajmée' dseà lajo. ²¹Co'
cajmé' e lajo lí'~ laco' caliti~ laco'
la fé' fí' ni~ jì' quiá'~ Fidiée' lí' fé'
lala:

Jaléng'~ dseà ì dseáng'~ jíi' coo'
ya' ja' mí' canúu~ júu^ quiá'~
Dseà Jmáang~,
dseáng'~ ninú~bre e júu^ jo;
jogui dseáng'~ ningám'~ e júu^ jo
jaléng'~ dseà ì ja' mí' canúu~
e júu^ jo cajo.

Jo lanab fé' fí' ni~ jì' quiá'~ Fidiée'.

Mi' ca'f dsíi' Paa~ e nidsér~ fí' Roma

²²Jo uíi'~ e ngii~ ta~ guiá' júu^
quiá'~ Dseà Jmáang~, joba' ja' mí'
cacuø' fí' quié~ e fa' e ninii~i e
ni'ee' e 'nú'~, dseà rú'~naa' dseà
quiá'~ Dseà Jmáang~ ì neáng' fí'
na fí' Roma, nañi' fa' jmiguiub' ya'
nica'f dsii~ e nijmee' e lajo, dsu' ja'
mí' calí' quié~ e lajo. ²³Dsu' lanagui
nicatób' ta~ jmóo'~ e fí' guóo'~ uø~
la; jo co' ningóob' jiu eáang' e í'
dsii~ e ni'ee' e 'nú'~, ²⁴joba' sijeen' e
lajob nilí' lajee' e iuun~ fí' e ngóo'~
fí' guóo'~ uø~ lí' sii' España. Jo mí'
ningf' e nineeng~ rú'~naa' fí' na, joba'
iin~ n e jaléng'~ 'nú'~ nijmicóo'~ na'
jnea~ cóo'~ jalé' e 'né~ e lajee' e
ngóo'~ fí' España. ²⁵Jo dsu' nú'~gui
e ngóo'~ fí' na fí' Roma, jang'~
níng'~ teáa' fí' Jerusalén e nicoo'~
capí'~ jalé' e 'né~ dseà quiá'~ Dseà
Jmáang~ ì tiñíng~ ì seeng' fí' jo.
²⁶Dsucó' jaléng'~ dseà quiá'~ Dseà
Jmáang~ ì seeng' fí' Macedonia
cóo'~ gui ì seeng' fí' Acaya ca'f dsíir'
yaaiñ~ e líng' e caseáin'~ capí'~
jogui e nisíñ~ quiá'~ dseà rú'~naa'
dseà quiá'~ Dseà Jmáang~ ì tiñíng~
ì seeng' fí' Jerusalén. ²⁷Jo guiáb~

cajmée' ì dseà í' uíi'~ e ca'f dsíir'
e nijmicóo'~ ì dseà rúin'~ do lajo.
Dsucó' jaléng'~ dseà quiá'~ Dseà
Jmáang~ ì líng' dseà Israel eáam'
nicajmicóo'~ jaléng'~ dseà quiá'~
Dseà Jmáang~ ì ja' líng' dseà
Israel e laco' teá'gui casín'~ yaaiñ~
fí' guiá' cóo'~ Dseà Jmáang~. Jo
uíi'~ e lajob líí', joba' jaléng'~ dseà
quiá'~ Dseà Jmáang~ ì ja' líng' dseà
Israel dseáng'~ 'né'ba' líng'~ eegó'
jmicóo'~ jìé' jíi'~ quí'r~ jmií' cóo'~
jaléng'~ ì dseà Israel do. ²⁸Joba'
dsifí' mí' nité' e ta~ e nijmee' e do
e quiá'~ nijáa'~a dseà quiá'~ Dseà
Jmáang~ ì neáng' fí' Jerusalén jalé'
e caseáng' do, joguiba' nijúu~
e ninii~i fí' España jóng, jo lajee'
e iuun~ fí' e ngóo'~ fí' jo, joba' í'
dsii~ e ningiin~n cateá' fí' na fí'
Roma. ²⁹Jo eáam' nita~ dsii~ e mi'
niguiée' e ni'ee' e 'nú'~ fí' na, eáam'
guiá'~ nijmé' Dseà Jmáang~ cóo'~
jneaa'aa'.

³⁰Dseà rú'~naa' dseà quiá'~ Dseà
Jmáang~, la'eáang' cóo'~ Fíi'~naa'
Dseà Jmáang~ jogui la'eáang' cóo'~
e Jmiguí' quiá'~ Fidiée' e cuø'
jneaa'aa' e eáam' 'neáang' rú'~naa'
do, joba' lana míi'~i 'nú'~ jmi'ee'
e nijmicóo'~ rú'~naa' colíng~ e
nimíi'~na' Fidiée' uii'~ quié' e. ³¹Jo
míi'~na' dseà do e nijmér~ í' jnea~
jee~ jaléng'~ dseà ì ja' já' líng' júu^
quiá'~ Fidiée' ì neáng' fí' lí' se'
Judea. Jogui míi'~na'r cajo e eáang'
nili'íng'~ ta~ quiá'~ jaléng'~ dseà
rú'~naa' dseà quiá'~ Dseà Jmáang~ ì
neáng' fí' Jerusalén lajíi'~ e quíee'
quíár'. ³²Jo ngí' jo, song nicuø'
Fidiée' fí', joba' niguiée' baa fí' na
jóng cóo'~ juguiá' e ni'ee' e 'nú'~, jo
lajoba' cuøng' lí' jmi'ín'~n lajee'

see-naa' coling. ³³ Jo míi' i Fidiée' i cuó' e seeng' dseá juguíá' júu' røð' e güiliseem' bre cóo' jaléng' 'nú' lata'.

Jo lajob nilí'.

Júu' guicóo' quiá' Paa' e catiing' dseá seeng' fí' Roma

16 Dseá rú'naa' dseá quiá' Dseá Jmáang' i seeng' fí' na fí' Roma, lana fíi' 'nú' cuaiñ' quiá' jaang' dseamf i sii' Febe i jmóo' ta' jmicóo' jaléng' dseá quiá' Dseá Jmáang' i seeng' fí' Cencrea. ² Jo i dseamf la dseá quiá' Dseá Jmáam' líiñ', joba' íim' ba're cóo' e guiú' lí' laco'gui catiing' e íng' dseá i dseá la'í'. Jogui jmicóo' na're cóo' lí' doñí' e'e' e 'nér', dsuco' eáam' nicajmicóo'r' jaléng' dseá rúñ' lí' laco'gui la nicajméer' cóo' jnea'.

³ Jogui guiéen' n júu' guicóo' quiá' Prisca cóo'gui i dseañu' quiá'r' i sii' Aquila, có' i dseá na røð' nicajmó'naa' ta' guia' júu' quiá' Dseá Jmáang' cóo'r'. ⁴ Có' lajè' gám' i dseá na jiu' ja mí' cajúum' bre dsu' uíi' e nicajmicóo'r' jnea'. Jo có' lajob nicajméer' cóo' jnea', joba' cuóð'ore gui'máang'; jo dsu' o' jji' jnea' jmóo' lajo, có' lajob jmóo' cajo jaléng' dseá quiá' Dseá Jmáang' i ja líng' dseá Israel. ⁵ Jogui guiéen' n júu' guicóo' quiá' jaléng' dseá rú'naa' dseá quiá' Dseá Jmáang' i seáng' fí' na fí' quiá' Prisca cóo'gui Aquila. Jogui guiéem' baa júu' guicóo' cajo quiá' i seen' røð' cóo' i 'neáan' eáang' i sii' Epeneto, có' íb' la'uii' dseá i calíng' dseá quiá' Dseá Jmáang' fí' la'úng' fí' lí' se' Asia. ⁶ Jogui guiéem' baa júu' guicóo' quiá'

Yá' cajo, có' eáam' nicajméer' ta' jmicóo' jee' 'nú'. ⁷ Jogui guiéen' n júu' guicóo' quiá' dseá góo' i sii' Andrónico cóo'gui Junias, dsuco' conrøð' cajníng'naa' fí' dsíi' 'nuñí' cóo'r'. Jogui jaléng' dseá apóo' quiá' Dseá Jmáang' eáam' guiú' fé'r' uii' quiá' lajè' gáng' i dseá góo' na, jo i dseá na jéeng'guiib' calicufiir' júu' quiá' Dseá Jmáang' laco'gui jnea'.

⁸ Jogui guicóob' i dseá i sii' Ampliato, i dseá quiá' Dseá Jmáang' i eáang' røð' seen' cóo'. ⁹ Jogui guicóob' cajo i dseá i sii' Urbano i jmóo' ta' coling' cóo' jnea'; jogui guicóo' bi cajo i dseá i sii' Estaquis i eáang' seen' røð' cóo' cajo. ¹⁰ Jogui guicóo' bi cajo i dseañu' i sii' Apeles i nicagüi'fí' guiú' jee' jalé' e hüíng' e nicangongíiñ' uíi' e teá' siñ' cóo' júu' quiá' Dseá Jmáang'; jogui guicóob' cajo jaléng' i dseá sinúu' quiá' Aristóbulo. ¹¹ Jogui guicóob' cajo i dseá góo' i sii' Herodión cóo'gui jaléng' i dseá sinúu' quiá' Narciso, có' dseá quiá' Dseá Jmáam' líiñ' cajo. ¹² Jogui guicóob' Trifena cóo'gui Trifosa, có' lajè' gám' biñ' na jmóor' lajii' ta' e nicangíiñ' quiá' Dseá Jmáang'; jogui guicóob' cajo i dseamf i sii' Pérsida i eáang' seen' røð' cóo', có' i dseamf na eáam' nicajméer' ta' e nicangíiñ' quiá' Dseá Jmáang'. ¹³ Jogui guicóob' cajo i dseañu' i sii' Rufo, jaang' dseá i dsíng' ní' dseá e cuíñ' Dseá Jmáang' jogui e eáam' teá' siñ' cóo' júu' quiá' dseá do cajo; jogui guicóob' niquiár' cajo, dsuco' í líng' lafa' niquié' baa cajo. ¹⁴ Jo guicóob'

Asíncrito cóo'gui Flegonte cóo'gui
 Ermes cóo'gui Patrobas cóo'gui
 Ermas cóo'gui jaléng' dseà quiá'
 Dseà Jmáang- i neáang' cóo'r' do.
 15 Jogui guicóob' Filólogo cóo'gui
 Julia cóo'gui Nereo cóo'gui
 i dseamî rúin' do, jogui guicóo'
 Olimpas cajo cóo'gui lajiing' dseà
 quiá' Dseà Jmáang- i neáang' cóo'
 lajaléng' dseà na.

16 Jogui jaléng' 'nú', dseà líing'na'
 dseà quiá' Dseà Jmáang-, lacoó'
 ya' mî fón' rúng'na' se' guoo'
 rúng'na'. Jo lajaléng' dseà quiá'
 Dseà Jmáang- i seeng' fí' la guiéin'
 júu' guicóo' quií'na'.

17 Dseà rú'naa' dseà quiá'
 Dseà Jmáang-, iin' n nimí' i 'nú'
 lahuíng' e nijmée' í' yaang'na'
 cóo' jaléng' i dseà i ngí' ta' jmóo'
 'nii' jee' jaléng' dseà quiá' Dseà
 Jmáang-, jogui jmóor' quijí' jial
 nitú dseà fí' guíá' lí' niteáaiñ'
 cóo' Dseà Jmáang-, dsuco' cóo'
 jalé' e jmóor' do ja' cóong' røø'
 cóo' júu' quiá' Dseà Jmáang- e
 nica'íing' 'nú'. Joba' fíi' 'nú' e
 ni'naam- yaang'na' jee' jaléng' i
 dseà í'. 18 Dsuco' jaléng' i dseà la'í'
 ja' jmóor' ta' e nicangíin' quiá'
 Fíi'naa' Dseà Jmáang-, co' jmóor'
 jíi' laco' í' dsíir' yaam'bre. Jogui
 fé'r' júu' jlo' e róo- e lí' laco' lí'r'
 jmigóoin' dseà i ja' quí' tíing' jmóo'
 jalé' e ga, jo lajoba' lí'r' jaléng'
 í'. 19 Jo lajiim' dseà quiá' Dseà
 Jmáang- ñir' e eáam' núu' 'nú'
 júu' quiá' Dseà Jmáang-. Jo uíi' e
 líing'na' lajo, joba' eáam' íaang' dsii'
 cóo' 'nú' jogui iin' n e cóo' jalé'
 e niñí'na' do nilí'íing' ta' quí'na'
 quiá' e nijmée'na' jmang' jalé' e
 guíá' jo o' quiá' e nijmée'na' jalé'

e ja' dseeng'. 20 Jo Fidiée' i cuó'
 e seeng' dseà juguiá' júu' røø',
 lajmináb- nijgiáaiñ- fii' i 'líng' i sii'
 Satanás cartí' uii' tíi'na', jo lajoba'
 jo' cuóong' fa' e nilí'guir' 'nú'. Jo
 mîi' i Fíi'naa' Dseà Jmáang- e ni'ír'
 güea' quiá'r' fí' jee' 'nú' lajiing'na'.

21 Jogui Timoteo, jaang' dseà
 rú'naa' i jmóo' ta' quiá' Dseà
 Jmáang- coliing' cóo' jnea',
 guiém'bre júu' guicóo' quií'na'
 cajo, jogui lajobi jaléng' i dseà
 góo' i sii' Lucio cóo'gui Jasón
 jogui Sosípater guiém'bre júu'
 guicóo' quií'na' cajo.

22 Jogui jnea' Tercio, dseà jmo'ó'
 e fí' ni' jì' lajalé' júu' quiá' Paa-,
 guiém'baa júu' guicóo' quií'na'
 cajo, co' dseà quiá' Dseà Jmáang-
 líin'na' cajo.

23 Jogui lajobi Gayo guiém'bre
 júu' guicóo' quií'na' cajo, co' fí'
 quiá'bre guíing' jnea' lana, jo fí'
 job cajo lí' seáng' jaléng' dseà
 quiá' Dseà Jmáang- e jmiféin'
 Fidiée'. Jogui Erasto guiém'bre
 júu' guicóo' quií'na' cajo, jo lana
 líiin' dseà i 'mea' cuu' quiá' fí';
 jogui lajobi jaang' dseà quiá' Dseà
 Jmáang- i sii' Cuarto guiém'bre júu'
 guicóo' quií'na' cajo. 24 Jo güi'fb'
 Fíi'naa' Dseà Jmáang- güea' quiá'r'
 jee' jaléng' 'nú'. Jo lajob nilí'.

**Júu' lí' cadséng' quiá'
 Paa- e jmiféin' Fidiée'**

25 Jo majmifém'baa' Fidiée',
 co' í'bing' i quíi' jmîi' nijmé' e
 teá'gui nisíng'na' cóo' júu' quiá'
 Dseà Jmáang- lí' laco' la fé' e júu'
 quiá' Dseà Jmáang- e guíá' jnea'
 e quiá' jial laang' dseà jee' jalé'
 dsee' quiá'r'. Jo e júu' nab líí' e

júu^ quiá^- Fidiée^ e lami~ si'maang^
 lajii^~ nú^-gui e nitiroo^ jmiigüí. Jo
 dsu^ lanagui nicajmijnéem`bre e jo,
 jo e júu^ job e guia^ jnea~ na. ²⁶Dsu^
 lanagui nicaliñib^ dsea` e júu^ na
 la'eáang^ cóo^~ jalé^` ji` e cajme^'
 jaléng^` i dsea` i café^` cuaiñ~ quiá^-
 Fidiée^ malii~gui eáang^'. Jo calf^
 lajo e lí^ laco^ niliti~ ta~ e caquiü^'
 Fidiée^ i seeng^ car` ngongii~ jmiñ~
 do. Jo dsu^ e júu^ e si'ma^ quiá^-

Fidiée^ do, nicajmijnéem`bre lana
 e lí^ laco^ lajaléng^` dsea` jmiigüí`
 nijá^- líiñ` e jo jogui e nijmér~ núu^r~
 cajo.

²⁷Jo la'eáang^ cóo^~ Fíi`naa^ Dsea`
 Jmaang~ majmifém^'baa^ lata~ jii^~
 Fidiée^, co^ jii^` íb` i eáang^` tiing^`
 ngáng^'. Jo lajob nilí`.

Jo lanab cató^' e ji` e cajme^' Paa~
 e catíng~ dsea` quiá^- Dsea` Jmaang~
 i neáang^` fí^ Roma.